

Jesús - Mixtec, Jamiltepec

Tuhun Nyoo Cha Tyaꝥ San Marcos

Nu sacondutyá ra Juan chi ñáyiví ta cahán ra tuhun Nyoo chihin ñu

(Mt. 3.1-12; Lc. 3.1-9, 15-17; Jn. 1.19-28)

1.1 Tyehe caa quichahꝥ tuhun vaha ra Jesuscristo Sehe Nyoo.

1.2 Ra Isaías profeta Nyoo tyaꝥ ra tuhun ra Cristo ta tuhun ra Juan. Tyehe caa catyí Nyoo chi ra Cristo:

Cumañi ca cuhun siqui ñuhu ñáyiví ta cutachi chi noo ra cusacoto chi ñáyiví vatyi nyaá cuhun nu nyicú ñu, catyí Nyoo chi ra Cristo.

1.3 Chiñí yo ndusu noo ra cha canachaá nu chiqui ndii,

ta catyí ra: “Tari sanduvahá ndo noo ityi, tyicuan caa sanduvaha ndo añima ndo vatyi cua quichi Sutu Mañi yo.

Nuña ndo noo ityi ndoo chi ra na quihví ra añima ndo.”

Tyicuan caa tyaꝥ ra profeta Isaías nu tutu Nyoo ta cha naha.

1.4 Ta tyicuan caa quichí ra Juan sacondutyꝥ ra chi ñáyiví nu chiqui ndii cuan. Ta catyí ra chi ñu na

ndu uvi iñi ñu cuatyí ñu, ta na condutyꝥ ñu tari noo seña tyi nasama ñu cuhva iyó ñu, ta tyicuan caa ta Nyoo cusaha ra ticahnu iñi cuatyí ñu.

1.5 Ta tandihi ñáyiví ityi Judea quichí coyo ñu tyasoho ñu tuhun cahán ra, ta ñu ñuu Jerusalén

ñandihí. Ta cha yahꝥ nahma ñu cuatyí ñu, sacondutyꝥ ra Juan chi ñu yuvi cahnu Jordán.

1.6 Ta sahma cha ñihno ra Juan cuan chihin ixi camellu chinꝥ chi. Ta ñii cuví sinchu ra. Ta pinchi

tuhvá ra chachí. Ta tyañuñu cuhu tuhvá ra chihí.

1.7 Ta cahán ra tuhun Nyoo ta catyí ra:

—Cha yaha yuhu ta vachi noo ra iyó xaan ca tunyee iñi chi ican saha yuhu. Ta ña nañé ni cha ndachi ñii xityin ndichan ra.

1.8 Yuhu sacondutyé chi ndo chihin ndutyꝥ. Soco maa ra cusacondutyꝥ ra chi ndo chihin Tatyí Ii Nyoo

—catyí ra Juan.

Nu condutyꝥ ra Jesús

(Mt. 3.13-17; Lc. 3.21-22)

1.9 Quivi cuan quita ra Jesús ñuu Nazaret, cha nyaá ityi Galilea, ta cuahan ra nya yuvi cahnu Jordán.

Ta yucuan sacondutyꝥ ra Juan chi ra.

1.10 Ta cha yahꝥ condutyꝥ ra Jesús, ta cuhva cha cua quita ra chichi ndutyꝥ, ta nanyehe ra andiví

cuahan nuña. Ta nyehe ra Tatyí Ii Nyoo tari noo paloma, vachi noó siqui ra.

1.11 Ta tyacú noo ndusu ityi andiví ta catyí ndusu cuan tyehe caa:

—Yoho cuvún Sehi ta cuñí xain chuun. Ta sii xaan cuñí chuhun —catyí ndusu cuan.

Nu nducú nyehe ra ña vaha chi ra Jesús

(Mt. 4.1-11; Lc. 4.1-13)

1.12 Yahꝥ cuan ta sacuhun Tatyí Ii Nyoo chi ra Jesús noo nu chiqui ndii.

1.13 Ta yucuan chinyaꝯ ra uvi xico quivi nu chiqui ndii cuan, nu yori ñáyivi iyó, maa ri quití iyó. Ta nducú nyehē cuihna chi ra. Ta yahaꝯ cuan ta chaꝯ coyo ángel ta catyiñuhú ra chi ra.

Nu quichahaꝯ saha tyiño ra Jesús ityi Galilea

(Mt. 4.12-17; Lc. 4.14-15)

1.14 Cha yahaꝯ catyihí ñu chi ra Juan vehe caa, ta ra Jesús cuanuhu ra Galilea ta cahán ra tuhun vaha Nyoo chihin ñáyivi.

1.15 Ta catyí ra:

—Cha chaꝯ cuhva cha cua cunyaca ñaha Nyoo añima ndo. Yatyin ri nyaá ra chihin ndo. Ndu uvi iñi ndo cuatyí ndo, ta chíno iñi ndo tuhun Nyoo cha sacacu añima ndo —catyí ra Jesús.

Nu canꝯ ra Jesús chi cumi tahan ra catiín tiyaca

(Mt. 4.18-22; Lc. 5.1-11)

1.16 Chicá noo ra Jesús yuhu miñi cha nañí Tyañuhu Galilea. Ta nanyehē ra chi ra Simón ta chi yañi ra, ra Andrés, cacañí ra yuhva ra nu ndutya, vatyí ra catiín tiyaca cacuví ra.

1.17 Ta catyí ra Jesús chi ra:

—Cunyicon ndo chii, ta yuhu cusacuvi vatyí tari ñihí ndo tiyaca, tyicuan caa cuñihi ndo añima ñáyivi, tava ndo chi ñu nu quiñi caa, na quihvi ñu cuenda Nyoo —catyí ra Jesús chi ra Simón ta chi ra Andrés cuan.

1.18 Caa cuhva ri cuan casandoꝯ ra yuhva ra, ta cuahan coyo ra chihin ra.

1.19 Yahaꝯ cuan ta chiin ri ca chicꝯ ra Jesús, ta nanyehē ra chi ra Jacobo, sehe ra Zebedeo, ta chi yañi ra, ra Juan. Cañohó ra chichi noo canoa canaquicú ra yuhva ra.

1.20 Canꝯ ra Jesús chi ra. Ta ninduvi tahan ra casandoꝯ ra sutu ra, ra Zebedeo, chichi canoa chihin ra catyinyeé chi ra. Ta cuahan coyo ra chihin ra Jesús.

Nu nduvahaꝯ noo ra yihí tatyí ña vaha añima

(Lc. 4.31-37)

1.21 Ta chaꝯ coyo ra ñuu Capernaum. Ta cuví chi noo quivi nyitatu ñáyivi, ta quihvi ra Jesús chichi vehe ñuhu, ta quichahaꝯ sañaha ra tuhun Nyoo chí ñáyivi.

1.22 Ta iyo cuñí ñu tuhun cahán ra, vatyí sañahá ra tari noo ra iyó vaha ityi chii cha cahán. Ña cahán ra cuhva cahán ra casacuahá cuenda ley vehe ñuhu.

1.23 Chichi vehe ñuhu cuan ñohó noo ra yihí tatyí ña vaha añima. Ta canꝯ chaꝯ ra ta catyí ra:

1.24 —¿Ñáá tuhun cha tyihún chuun chihin ndi, yoho Jesús ra ñuu Nazaret? ¿Atu vachun vatyí sanaun chi ndi? Yuhu ñohó nui chuun, ta chité vatyí Sehe li Nyoo cuví chuun —catyí ra yihí tatyí ña vaha cuan chi ra Jesús.

1.25 Nacahan ra Jesús ta catyí ra chi tatyí ña vaha cuan:

—¡Taxi ri! ¡Saña chi ra ndahvi chiña! —catyí ra.

1.26 Ta tatyí ña vaha cuan, chihí tañi ra cuhví cuan sahaꝯ chi, ta iyo canachaꝯ tatyí cuan quitꝯ chi ra.

1.27 Tandihí ñáyivi yuhvi xaan ñu cuví, ta candacꝯ tuhun ñu chí tahan ñu, ta catyí ñu:

—¿Ñáá cha cuví ihya? ¿Ñana vaha tuhun chaꝯ sañahá ra ihya? ¡Vatyí iyo vaha tunyee iñi chi ra, nyacua nya tatyí ña vaha, ta quichahá chi ra! —catyí ñu.

1.28 Ta numi ri cachito ñáyivi tandihi ñuu cha iyó Galilea cuan tuhun ra Jesús.

Nu sanduvahá ra Jesús chi maha tyiso ra Simón Pedro

(Mt. 8.14-15; Lc. 4.38-39)

1.29 Cuhva cha quitá coyo ra chichi vehe ñuhu, ta cuahan ra Jesús vehe ra Simón ta ra Andrés. Ta cuahan tucu ra Jacobo ta ra Juan chihin ra.

1.30 Ta maha tyiso ra Simón catuví ña nu chito, cuhví ña chihin cahñi. Ta catyí ñu chi ra Jesús tyi cuhví ña.

1.31 Tyicuan ta tuhva ra Jesús, ta tijn ra ndaha ña. Ta nacoñehę ra chi ña. Ta caa cuhva ri cuan, tinyaa cahñi chi ña. Ta quichaha tyiñuhu ña chi ra.

Nu sanduvahá ra Jesús chi cuaha ñu cuhví

(Mt. 8.16-17; Lc. 4.40-41)

1.32 Cuhva cha queę ñanyii ta cha cua cuaa, quichi nyaca ñu tandihi ñu cuhví ta ñu yihí tatyí ña vaha nu nyaá ra Jesús.

1.33 Ta tandihi ñáyivi ñuu cuan candu ijin ri ñu yuvehe cuan.

1.34 Ta cuaha ñu cuhví cha siin siin cuehe sanduvahá ra. Ta tava ñehe ra chi cuaha tatyí ña vaha, soco ña chahá ra cha cahan tatyí cuan, vatyí chitó cuan yóó ra cuví ra.

Nu cahán ra Jesús tuhun Nyoo ityi Galilea

(Lc. 4.42-44)

1.35 Ta cha inga quivi cuhva cha ni ñaa ca, ndicuitá ra Jesús, ta cuahan ra ityi chata ñuu. Cuahan ra noo nu yori sayanga chi ra cua cacan tahvi ra chi Nyoo.

1.36 Ta ra Simón ta ra tahan ra cuahan coyo ra cua nanducu ra chi ra.

1.37 Ta cuhva cha canañihí ra chi ra cacatyí ra chi ra:

—Tandihí ñáyivi nanducú ñu chuun —cacatyí ra chi ra Jesús.

1.38 Soco maa ra catyí ra chi ra:

—Coho ndo inga ñuu cha nyicú yatyin ri ihya, vatyí cahan tiqui tuhun Nyoo yucuan, vatyí yucuan tyiño vachi —catyí ra Jesús chi ra.

1.39 Yucuan chaha chica noo ra Jesús tandihi ri ñuu cha iyó Galilea, cahán ra tuhun Nyoo chichi vehe ñuhu tahan tahan ñuu. Ta tava ñehe ra tatyí ña vaha cha yihí añima ñáyivi.

Nu sanduvahá ra Jesús chi noo ra cha tyahyu coño

(Mt. 8.1-4; Lc. 5.12-16)

1.40 Noo chaha tuhva noo ra cuhví cha tyahyu coño nu nyaá ra Jesús. Ta chicuiñi chiti ra nuu ra, ta catyí ra chi ra:

—Tatu cuñún, cuví sanduvahun chii —catyí ra.

1.41 Ta cundahvi cuñí ra Jesús nyehé ra chi ra, ta tyiso ra ndaha ra siqui ra, ta catyí ra:

—Cuñí sanduvahi chuun. Ta na nduvahun vityin ri —catyí ra chi ra.

1.42 Caa cuhva ri cha catyí ra tyehe caa, tinyaa cuehe cuan chi ra, ta nduvahá ra.

1.43 Tyicuan ta catyí ra Jesús vatyí cha cuvi cuhun ra, soco catyí xaan ra chi ra na sacuvi ra tyehe caa:

1.44 —Nyehe. Yori chihin cahun tuhun. Soco cuahan nu nyaá tata sutu. Ta sañahun chuun chi ra, ta

cuhvon cha tahán chi cuhvon na ndundiun nu Nyoo tari cuhva catyí nu ley cha tyaa ra Moisés, vatyí tacuhva coto tandíhi ñáyivi tyi cha nduvahun chihin cuehe cuan —catyí ra Jesús chi ra.

1.45 Soco ra cuan chahan ra, ta quichaha nacatyí ra chi tandíhi ñáyivi. Yucuan chaha ña cuví ca quihvi ndichin ra Jesús chichi ni noo ñuu. Ta ityi chata ri ñuu chicá noo ra nu yori ñáyivi iyó, soco tandíhi ri ityi quita coyo ñu, quichí nyehe ñu chi ra.

Nu sanduvaha ra Jesús chi noo ra cuhví cha ña cuví nacanda

(Mt. 9.1-8; Lc. 5.17-26)

2.1 Suhva quiví yaha ta quihvi ra Jesús inga chaha chichi ñuu Capernaum. Ta cachito ñáyivi tyi nyaá ra vehe.

2.2 Ta numi ri candu ñin ri cuaha ñáyivi. Ta nyacua ña chitahan ñu, ni yuvehe. Ta maa ra Jesús cahan ra tuhun Nyoo chihin ñu.

2.3 Tyicuan ta cumi tahan ra canyisó chi noo ra cuhví cha ña cuví nacanda, caquichí nyaca ra chi ra nu nyaá ra Jesús.

2.4 Soco ña cuví caquihvi ra nya nu nyaá ra Jesús cha cuenda vatyí tuvi xaan ñáyivi. Tyicuan ta candaa ra ityi xiñi vehe. Ta sacuachiyo ra suhva tyiyo. Ta sanoo ra chi ra cuhví cuan chihin chito.

2.5 Nyehe ra Jesús vatyí cachinó xaan iñi ra cuan. Ta catyí ra chi ra cuhví cuan:

—Cha ndachí cuatyun, suti —catyí ra Jesús chi ra.

2.6 Soco suhva ra sacuahá cuenda ley vehe ñuhu nyicú ra cuan, ta cachicá xiñi ra tyehe caa:

2.7 “¿Ñáá tuhun cha cañá iñi ra ihya cahan ra tyehe caa? Chicoo cuatyí ra nuu Nyoo chihin tuhun cahan ra vatyí yori cuví sandachi cuatyí, noo tuhun ri maa Nyoo cuví sandachi ra cuatyí”, cachicá xiñi ra.

2.8 Soco ra Jesús chitó ra cha cachicá xiñi ra. Ta catyí ra chi ra:

—¿Ñáá tuhun cha chicá xiñi nyoho tyicuan caa?

2.9 ¿Ñáá cha yí ca, cha catyí yo chi ra cuhví ihya vatyí cuatyí ra cha yaha ndachi, o cha catyí yo chi ra vatyí nducuita ra ta naquehen ra chito ra ta caca ra?

2.10 Vaha, vityin chihin cha sanduvahi chi ra ihya, cusañahi chi ndo vatyí yuhu ra cuví Rayíi cha quichí nya gloria, iyó ityi chii cha sandachi cuatyí ñáyivi —catyí ra Jesús chi ra.

Tyicuan ta quichaha catyí ra chi ra cuhví cuan:

2.11 —Catyí chi yoho, nducuita, naquehen chiton, ta cuanuhu nya vehun —catyí ra Jesús chi ra.

2.12 Ta ra cuhví cuan nducuita ra. Naquehen ra chito ra, ta cuanuhu ra. Ta tandíhi ñu nyehe ñu, ta iyo cuñí ñu, ta sacahnú ñu chi Nyoo, ta catyí ñu:

—Ni noo chaha ta nyehe ca yo cha tyehe caa —catyí ñu.

Nu cana ra Jesús chi ra Leví

(Mt. 9.9-13; Lc. 5.27-32)

2.13 Yaha cuan ta cuahan tucu ra Jesús inga chaha yuhu miñi cuan. Ta cuhva cha nataca ñáyivi nu nyaá ra, quichaha cahan ra nuu ñu.

2.14 Tyicuan ta cuahan ra ta nu yaha ra nanyehé ra chi ra Leví sehe ra Alfeo, nyaá ra nu sahá tyiño ra, tava ra xuhun cuenda gobiernu ñuu Roma. Ta catyí ra Jesús chi ra:

—Coho chihin.

Tyicuan ta nducuita ra Leví, ta cuahan ra chihin ra.

2.15 Yaha cuan ta tahan chi nyaá ra Jesús chihin ra cachicá noo chihin ra cachachí ra nu mesa vehe ra Leví. Ta nyicú tucu cuaha ra catavá xuhun chihin inga ñáyivi iyó cuatyí. Vatyí cuaha xaan ñu nyicón chi ra.

2.16 Soco ra casacuahá cuenda ley vehe ñuhu, ta ra cacuví fariseo, ra cha quichahá xaan ley vehe ñuhu, cha canyehé ra vatyí chachí ra Jesús chihin ra catavá xuhun, ta ñu iyó cuatyí, ta cacatyí ra chi ra cachicá noo chihin ra Jesús:

—¿Yoso caa cha ra sacuahá chi nyoho chachí ra ta chihí ra chihin ra catavá xuhun ta ñu iyó cuatyí?

2.17 Chiñj ra Jesús cha cacahan ra ta catyí ra:

—Ña chiñuhú doctor chi ñu ña cuhví, soco chiñuhú ra chi ñu cuhví. Vachi yuhu soco ñima cha cuenda cha vaha chi ñu vaha, soco cha cuenda cha vaha chi ñu iyó cuatyí —catyí ra Jesús chi ra.

Nu sañahá ra Jesús vatyí nya cha yaha canyaha ra chi ñu nyicón chi ra, tyicuan ta cutahan chi savaha ñu ayuno

(Mt. 9.14-15; Lc. 5.33-35)

2.18 Noo chaha, ra canyicón chi ra Juan ta ra canyicón chi ra fariseo, ña chachí ra ta nanducú ra chi Nyoo. Ta suhva ñáyivi quichí coyo ñu nu nyaá ra Jesús, ta ndacá tuhun ñu chi ra, ta catyí ñu chi ra:

—¿Ñáá tuhun cha ra canyicón chi ra Juan ta ra canyicón chi ra fariseo tuhvá ra savaha ra ayuno, ta ra cachicá noo chuhun ña tuhvá ra? —catyí ñu.

2.19 Ta nacahan ra Jesús ta catyí ra:

—Noo vico tandaha, ¿atu cuví cha ma cachi ra ñohó vico cha ni ri ca cha nyaá ra cha cua tandaha cuan chihin ra? Tatu nyaá ca ra cua tandaha cuan chihin ra, ma cuví cha ma cachi ra.

2.20 Soco vachi chi quivi cha cutinyaa ra chi ra tandaha cuan nu nyicú ra tahan ra. Yucuan ndicha quivi coo cuhva cha ma cachi ra ta nanducu ra chi Nyoo —catyí ra Jesús chi ñu.

Nu sañahá ra Jesús vatyí ña nacachi tahan tuhun chahnu cha iyó ñáyivi chihin tuhun chaa cha sañahá ra

(Mt. 9.16-17; Lc. 5.36-39)

2.21 Catyí ra Jesús:

—Yori naquicu noo sahma chahnu chihin noo sahma chaa, vatyí cha chaa cuan nandiyi ta cahnya chi sahma chahnu, ta nu tahnya cuan cunducahnu ca.

2.22 Ta ni ri ña tuhvá yo tyihi yo vinu chaa chichi ñii chahnu, vatyí vinu chaa chahnyá chi ñii, ta chati vinu, ta tiví ñii. Yucuan chaha cuñí chi cha tyihi yo vinu chaa chichi ñii chaa —catyí ra Jesús.

Nu catohon ra cachicá noo chihin ra Jesús yoco trigo quivi nyitatú ñáyivi

(Mt. 12.1-8; Lc. 6.1-5)

2.23 Noo quivi cha tuhvá ñáyivi nyitatu, cuahan ra Jesús chicá ra mahñu nu iyó cha tachí ñáyivi. Ta ra cachicá noo chihin ra quichaha catohon ra yoco trigo cuan cuhva cha yahá coyo ra.

2.24 Tyicuan ta quichaha cacatyí ra fariseo chi ra Jesús:

—iNyehe xihna! ¿Ñáá tuhun cha sacuví ra cachicá noo chuhun tyiño cha ña tahan chi sacuví yo quivi nyitatú yo? —cacatyí ra.

2.25 Soco maa ra Jesús catyí ra chi ra:

—¿Atu ni noo chaha ta sacuahá ca nyoho cha sacuví ra David chihin ra tahan ra noo quivi cha cachisoco vavaha ra?

2.26 Quiivi cha cuví ra Abiatar tyiño cha cuví ra nuu chi tata sutu, quihv̄j ra David chichi vehe Nyoo. Ta chachí ra pan ii, cha tahán chi cachi maa ri maa ra cuví sutu. Ta chah̄a tucu ra cachi ra ndihi chihin ra —catyí ra Jesús.

2.27 Ta catyí tucu ra Jesús chi ra:

—Chicoo quiivi nyitatú yo, cuenda cha vaha chi ñáyivi, soco ñáyivi ña chicoo ñu cha cuenda cha vaha chi quiivi nyitatu yo.

2.28 Yucuan chaha yuhu Rayii cha quich̄i nya gloria, iyó ityi chii cha catyi chi noo noo ndo ñáá cha sacuvi ndo quiivi nyitatú yo —catyí ra Jesús.

Nu nduvah̄a noo ra na ityi inchiyo ndaha

(Mt. 12.9-14; Lc. 6.6-11)

3.1 Quihv̄j ra Jesús inga chaha chichi noo vehe ñuhu. Ta yucuan nyaá noo ra na ityi inchiyo ndaha.

3.2 Ta cañañí ra fariseo chi ra Jesús nyehé ra tatu sanduvaha ra chi ra quiivi nyitatú ñu, vatyi tacuhva coo cuatyí tyaa ra siqui ra.

3.3 Tyicuan ta ra Jesús catyí ra chi ra na ityi ndaha cuan:

—Nd̄icuuta ta cujnanyaa mahñu ihya.

3.4 Yah̄a cuan ta ndac̄a tuhun ra chi inga ñu cha tayucú cuan, ta catyí ra:

—¿Ñáá cha tahán chi sacuvi yo quiivi nyitatu yo? ¿Atu sacuví yo cha vaha o cha ña vaha? ¿Atu tahán chi sanduvaha yo ñáyivi o cha cahñi yo? —catyí ra Jesús.

Tyicuan ta taxi taxi maa candoo ñu cuan.

3.5 Tyicuan ta xaan nanyehe ra Jesús chi ñu, ta cuihya cuñí ra vatyi ña cuñí ñu cutuñi ñi ñu. Ta catyí ra chi ra cuan:

—Sanacaa ndahun.

Ta sanac̄a ra, ta nduvah̄a ndaha ra.

3.6 Tyicuan ta quit̄a coyo ra fariseo, ta quichah̄a catyih̄i tahan ra tuhun chihin ra cuenda ra Herodes, yoso caa cacahñi ra chi ra Jesús.

Nu nyicú cuaha ñáyivi yuhu miñi

3.7 Soco ra Jesús cuahan ra chihin ra cachicá noo chihin ra yuhu miñi, ta cuaha ñáyivi ityi Galilea canyicón chi ra.

3.8 Ta cha chito ñáyivi tuhun nahnu cha sacuví ra, cuaha xaan ñu quich̄i coyo ñu ñuu Jerusalén ta inga ñuu cha iyó ityi Judea, ta ñuu cha iyó Idumea, ta inga chiyo yuvi cahnu Jordán, ta ñuu Tiro ta ñuu Sidón ñandih̄i, vatyi cuñí ñu nyehe ñu chi ra.

3.9 Yucuan chaha catyí ra Jesús chi ra cachicá noo chihin ra na casanduvaha ra noo canoa, tacuhva vatyi tatu ndutih̄in xaan chihin ñáyivi, cuví quihv̄i ra chichi canoa cuan.

3.10 Vatyi cuaha xaan ñu cha yah̄a sanduvah̄a ra, ta yucuan chaha tandih̄i ñu cuhv̄i cuahan ñu nu nyaá ra vatyi cuñí ñu t̄in ñu chi ra tacuhva nduvaha ñu.

3.11 Ta ñu yih̄i tatyí ña vaha añima, chicuñi chiti ri ñu nuu ra, ta canachaa tatyí ña vaha cuan, ta catyí chi tyehe caa:

—iYoho cuvún Sehe Nyoo!

3.12 Soco ra Jesús chas̄i ra yuhu tatyí cuan vatyi ma catyi ca chi yóo ra cuví ra.

Nu nacachj ra Jesús chi uchi uvi apóstol vatyi cacaca ra tyiño ra

(Mt. 10.1-4; Lc. 6.12-16)

3.13 Yahā cuan ta ndaā ra Jesús noo yucu ta canā ra chi ra cuñí maa ra nacachi ra. Ta quichj coyo ra nu nyaá ra.

3.14 Ta tyiso ra chi uchi uvi tahan ra vatyi cundihi ra chihin ra, ta vatyi tyatyiño ra chi ra na cucahan ra tuhun Nyoo.

3.15 Ta chaha ra ityi chi ra vatyi sanduvaha ra chi ñu cuhví, ta tava ñehe ra chi tatyí ña vaha.

3.16 Ta ican ra ihya cacuví ndi uchi uvi tahan ra: ra Simón cha sacunañj ra Jesús Pedro chi;

3.17 ra Jacobo ta yañi ra ra Juan, sehe ra Zebedeo. Ta Boanerges sacunañj ra chi ninduvi tahan ra ta cuñí chi catyi: ra ñihi cahán tari cahán savi,

3.18 ra Andrés, ra Felipe, ra Bartolomé, ra Mateo, ra Tomás, ra Jacobo sehe ra Alfeo, ra Tadeo, ta inga ra Simón cha yihí cuenda ityi ra cuñí cahun cuatyí siqui gobiernu ñuu Roma cha nyacá ñaha chi ñu,

3.19 ta ra Judas Iscariote, ra cha naxico tuhun chi ra Jesús.

Nu tyaá ñáyivi cuatyí siqui ra Jesús, ta catyi ñu vatyi tunyee iñi cuihna iyó chi ra

(Mt. 12.22-32; Lc. 11.14-23; 12.10)

Yahā cuan ta quihvi ra Jesus noo vehe chihin ra cachicá noo chihin ra.

3.20 Ta inga chaha natacā cuaha ñáyivi, ta nyacua ni ña cuví ca cachi ra.

3.21 Cha cachitō ñáyivi chi ra Jesús vatyi nyaá ra yucuan, quichj coyo ñu vatyi cunuhun ra chihin ñu, vatyi catyi ñáyivi chi ñu tyi nduloco ra.

3.22 Ta suhva ra casacuahá cuenda ley vehe ñuhu Jerusalén cha quichj coyo suri tyicuan caa cacatyí ra:

—Ra ihya, ra Beelzebú ra cuví nuu chi cuihna yihí chi ra. Ta chihin tunyee iñi cuihna tava ñehe ra tatyí ña vaha —cacatyí ra.

3.23 Tyicuan ta canā ra Jesús chi ra, ta catyi ra chi ra:

—¿Yoso caa, atu tava ñehe cuihna suri chi ra tahan maa ra? Ma sacuvi cuihna tyicuan caa.

3.24 Tatu noo gobiernu cacusiin ra, ta cacañi tahan ra chihin tahan ra, gobiernu cuan ña naha cuacunyaca ñaha ra.

3.25 O tatu ñáyivi noo vehe, ña iin ri cuví ñu chihin tahan ñu ta cañi tahan ñu, cutivi nu nyicú ñu.

3.26 Ta tatu cuihna cacusiin ra ta canducuita ra siqui tahan ra, ¿yoso caa cucuvi chi ra? Cundihi tuhun ra.

3.27 'Yori cuví quihvi chichi vehe noo ra ñihi tari cuihna ta tinyaa ra cha chii ra, tatu ma cuhni xihna ra chi ra. Yucuan ndicha ta cuví tinyaa yo cha chii ra.

3.28 'Cha ndicha catyi chi ndo vatyi cuví coo ticahnu iñi tandihi nuu cuatyí ñáyivi, ta tandihi cha quiñi caa cha cahán ñu.

3.29 Soco ñu cahán ña vaha siqui Tatyí li Nyoo, ma cuví maa coo ticahnu iñi cuenda cuan, soco tyicuan ri maa coo cuatyí ñu —catyi ra Jesús.

3.30 Tyicuan caa catyi ra Jesús chi ra casacuahá cuenda ley vehe ñuhu, vatyi maa ra cacatyí ra vatyi ñohó noo tatyí ña vaha chi ra.

Yóo ñu cuví sihi ra Jesús ta yañi ra

(Mt. 12.46-50; Lc. 8.19-21)

3.31 Tyicuan ta chaꝯ coyo sihi ra Jesús ta yañi ra, soco ndoo ñu ityi chata vehe, ta tachj ñu cucana chi ra.

3.32 Ta ra nyicú nicachico nu nyaá ra Jesús cacatyí ra chi ra:

—Sihun ta yañun ta cuhvon nyicú ñu ityi chata vehe, ta nanducú ñu chuun —catyí ra chi ra.

3.33 Soco maa ra catyí ra:

—¿Yóó ñu cuví sihi ta yañi? —catyí ra.

3.34 Tyicuan ta nanyehe ra chi ñu nyicú nicachico, ta catyí ra:

—Ican ñu ihya cuví sihi ta yañi.

3.35 Vatyí savahri ñu sacuví cuhva cuñí Nyoo, ican ñu cuan cuví yañi, ta cuhve, ta sihi —catyí ra Jesús.

Tari noo ra chicá noo tachí, tyicuan caa cuví ra cahán tuhun Nyoo

(Mt. 13.1-9; Lc. 8.4-8)

4.1 Inga chaha quichaha sañaha ra Jesús yuhu miñi, ta ndu iñ ri cuaha ñáyivi nu nyaá ra. Yucuan chaha quihvı ra chichi noo canoa cha tacaá nu ndutya yuhu miñi cuan. Ta chicunyaꝯ ra, ta tandihi ñáyivi ndoo ñu nu ñiti.

4.2 Tyicuan ta cuaha cha sañaha ra chi ñu chihin cuhva ri. Ta nu sañahá ra chi ñu, ta catyí ra chi ñu:

4.3 —Tyasoho ndo tuhun ihya. Mínoo ra quitꝯ ra vehe ra, cuahan ra nu iyó tyiño sahá ra. Ta quichaha quitı ra chiti trigu nu ñuhú ra.

4.4 Ta ityi cuahan ra quitı ra, suhva chiti cuan canacoyó yuhu ityi, ta quichı coyo saa ta cachachı ti.

4.5 Suhva ca chiti canacoyó ticu yuu nu ña cuaha ñuhú yihı. Ta chiti cuan numi ri caña, vatyí ña cono xaan yihı ñuhú cuan.

4.6 Soco cuhva cha caña ñanyii, na ityi chi vatyí ña cono yihı yoho chi.

4.7 Ta suhva ca chiti canacoyó chichi tu iñu. Ta chahnı tu iñu cuan, ta chası tun nuu trigo cuan.

Yucuan chaha ña chiyo chiti tun.

4.8 Soco suhva chiti cha canacoyó nu ñuhú vaha. Ta caña ta chahnı. Ta vaha chahꝯ tun chiti. Suhva tun chahꝯ tun oco uchi chiti cha noo noo tun. Inga tun chaha tun uñi xico chiti. Ta inga tun chahꝯ ciento chiti —catyí ra Jesús chi ñu.

4.9 Ta catyí tucu ra chi ñu:

—Tatu cutuñi iñi ndo, tyasoho ndo tuhun cahán.

Nu sacotó ra Jesús ñáá cuenda sañahá ra chihin cuhva ri chi ñáyivi

(Mt. 13.10-17; Lc. 8.9-10)

4.10 Yahꝯ cuan ta ndoo maa ri maa ra Jesús chihin ñu nyicón chi ra ta ndi uchi uvi tahan ra chicá noo chihin ra. Ta candacꝯ tuhun ñu chi ra ñáá cha cuñi chi catyí tuhun cuan.

4.11 Ta catyí ra chi ñu:

—Chi nyoho sacotó Nyoo tuhun xehe yoso caa nyacá ñaha ra añima ñáyivi. Soco chi ñu cha ña chinó iñi chi ra, maa maa ri chihin cuhva ri sañahı chi ñu.

4.12 Vatyí tatu nyehé ñu soco cuvı chi tari cha ña nyehé ñu, ta tatu chiñı ñu soco ma cutuñi iñi ñu.

Tacuhva cha ma nasama ñu cuhva iyó ñu ta ni ma coo ticahnu iñi cuatyí ñu —catyí ra Jesús chi ñu.

Nu chahꝯ ra Jesús cuenda yoso caa cuahan tuhun ra tachı chiti cuan

(Mt. 13.18-23; Lc. 8.11-15)

4.13 Ta catyí tucu ra chi ñu:

—¿Atu ña cutuñí ñi nyoho tuhun ihya? Tatu tyicuan caa ña cutuñí ñi ndo, ¿yoso caa cuví cutuñí ini ndo tandihí inga tuhun sañahí chi ndo?

4.14 Ra cha tachí chiti trigu cuan cuví ra tari noo ra cahán tuhun Nyoo.

4.15 Yihí ñáyivi cuví ñu tari nu canacoyo chiti yuhu ityi: chiñí ñu tuhun Nyoo, soco cha yaha chiñí ñu, quichi cuihna ta tinyaa ra tuhun Nyoo cha tachí ra añima ñu.

4.16 Inga ñáyivi cuví ñu tari nu canacoyo chiti ticu yuu: chiñí ñu tuhun Nyoo ta sii cuñí ñu natiin cuenda ñu noo ri cuhva.

4.17 Vatyí nu caña chiti ticu yuu cuan, chiin ri ñuhú yihí chaha, yucuan chaha caña soco ña cuví tyihí yoho vaha chi. Ta tyicuan caa ñu cuan, suhva ri quivi chino ñi ñu. Soco quivi vachi tindoho siqui ñu, o satasi ñi ñáyivi chi ñu cha cuenda tuhun Nyoo, sandihí ri ñu tuhun cha chinó ñi ñu.

4.18 Ta inga ñu cuví ñu tari nu canacoyo chiti chichi tu ñu: chiñí ñu tuhun Nyoo,

4.19 soco cutyoño ca ñi ñu cha cuenda tindoho cha iyó siqui ñuhu ñáyivi ihya. Cha tyayii sandaví ñaha chi ñu, ta cuñí ñu tandihí ri nuu cha iyó. Tandihí ihya quihví xiñi ñu ta ña nyaá ca xiñi ñu tuhun Nyoo, ta ña chahá chi sacuvi ñu cha vaha cha cuenda cuan.

4.20 Soco yihí ñu cha chiñí ñu tuhun Nyoo ta naquehén cuenda ñu, ta vaha sacuví ñu, tari nu canacoyo chiti nu ñuhú vaha cuví ñu. Yihí ñu cuví ñu tari yutun cha caña ta chaha tun oco uchi tahan chiti tahan tahan tun. Ta inga ñu cuví ñu tari yutun cha chaha ñi xico. Ta inga ñu tari yutun cha chaha ciento.

Ma tyihí xehe yo ñuhú cha sandundichin Nyoo añima yo coto tinyaa ra

(Lc. 8.16-18)

4.21 Ta catyí tucu ra chi ñu:

—¿Atu quichi nyaca yo noo tima vatyí cananyaa yo chichi noo cajón o xiu chito? Ñima. Tima cuan cuñí chi tyiso yo noo nu sucun vatyí na sacundichin chi chichi vehe.

4.22 Ta tyicuan caa tucu, ñahri cha ñohó xehe, ta cuñun, tyi ma natuvi. Ta ñahri noo tuhun xehe, ta cuñun, tyi ma coto yo.

4.23 Nyoho cha cutuñí ñi ndo, tyasoho ndo tuhun cahín —catyí ra Jesús chi ñu.

4.24 Catyí tucu ra tyehe caa:

—Tyasoho vaha ndo tuhun cahín. Yoso cuhva sacuví ndo chi ñáyivi, yucuan cuhva sacuvi Nyoo chihin ndo. Ta cuaha ca cucuhva ra chi ndo tatu tyasohó ndo cha cahán ra.

4.25 Vatyí ñu tyasohó cha cahín, cuaha ca cuhva Nyoo chi ñu. Soco ñu ña tyasohó, cutinyaa ndihí ra cha chiin cha cha yaha chaha ra chi ñu.

Nu sañahá ra Jesús cuhva chahnu noo chiti yutun

4.26 Catyí tucu ra Jesús tyehe caa:

—Cha nyacá ñaha Nyoo añima ñáyivi cuví chi tari noo ra tachí noo chiti chichi ñuhú.

4.27 Ta cuahan ra cua cusu ra. Yaha cuan ta ndicuita ra. Ta cuaha quivi yaha. Ta caña chiti cuan, ta chahnu yutun. Soco maa ra ña chitó ra yoso caa chahnu tun.

4.28 Cha cuenda vatyí maa ñuhú cuan sacuvahá chi tun tyicuan ri caa. Xihna ca quitá xityin tun, ta yaha cuan yoco tun, yaha cuan ta quitá chiti nu yoco cuan.

4.29 Ta tatu cha chityi chiti cuan, cutohon ra vatyí cha cha quivi cha coyo —catyí ra Jesús.

Nu sañahá ra Jesús vatyí tari chahnu noo chiti mostaza, tyicuan caa nducuaaha nu nyacá ñaha Nyoo

(Mt. 13.31-32; Lc. 13.18-19)

4.30 Ta catyí tucu ra Jesús:

—¿Ñáá chihin sanandiqui tahin cha nyacá ñaha Nyoo ñima yo? ¿Ñáá chihin sandu inuu ri yo?

4.31 Cuví chi tari noo chiti mostaza cha tachí yo nu ñuhú. Ican chiti cuan, lee ca cha nuu tandíhi chiti iyó siqui ñuhu ñayivi.

4.32 Soco tatu tachí yo, cañá ta cuahnu. Ta cahnu vavaha cuví tun. Ta nahnu soco tun, ta nyacua nya saa cha chicó nu tatyí cuví nyitatu ti nu vati tun.

Yoso caa sañahá ra Jesús chihin cuhva ri chi ñáyivi

(Mt. 13.34-35)

4.33 Tyehe caa sañahá ra Jesús chi ñu, chihin cuaha cuhva, nyacua nya nu cuví cutuñi ñni ñu.

4.34 Ñahri maa cha catyí ra chi ñu tatu ñima chihin noo cuhva. Soco chi ra cachicá noo chihin ra, nacatyí vaha ra chi ra.

Nu sacutaxín ra Jesús tatyí ta miñi

(Mt. 8.23-27; Lc. 8.22-25)

4.35 Suri maa quivi cuan, cuhva cha cuaa, catyí ra chi ra cachicá noo chihin ra:

—Coho ndo inga chiyo miñi cuan.

4.36 Tyicuan ta casandoq ra chi ñáyivi. Ta cuahan ra Jesús chihin ra chichi canoa cha catuvi cuan. Ta cuahan tucu inga canoa chihin ra.

4.37 Ta quichaha caa noo tatyí ñihi xaan, ta quichaha quihvi ndutya chichi canoa cuan, ta quichaha chitu.

4.38 Ta ra Jesús quixí ra siqui noo cabecera cha nyaá inchiyo xiin canoa cuan. Ta casandoyo ra chi ra, ta cacatyí ra:

—iMaestro! ¿atu ñahri cuendon cha cuñí nyee yo?

4.39 Tyicuan ta ndicuita ra Jesús ta cahan ra chi tatyí cuan na cutaxin. Ta catyí ra chi ndutya miñi cuan tyehe caa:

—iTaxi ri! iTaxi cunyaun! —catyí ra.

Ta tatyí cuan cutaxin, ta taxi taxi cuví.

4.40 Tyicuan ta catyí ra Jesús chi ra cachicá noo chihin ra:

—¿Ñáá tuhun cha yuhvi xaan ndo? ¿Atu ta chino ca ñni ndo? —catyí ra chi ra.

4.41 Soco maa ra cayuhvi xaan ra cha cuví cuan. Ta cacatyí ra chi ra tahan ra:

—¿Yóo ra cuví ra ihya, vatyí nyacua nya tatyí ta miñi quichahá chi ra? —cacatyí ra.

Nu nduvahá ra yihí tatyí ña vaha chii ñuu Gadara

(Mt. 8.28-34; Lc. 8.26-39)

5.1 Chaq coyo ra yuhu miñi, inga chiyo nu nyaá ñuu Gadara.

5.2 Ta quitá ri ra Jesús chichi canoa, ta quitá noo ra nu ñaña cuan ta chaq ra nu nanyaá ra Jesús. Ta yihí noo tatyí ña vaha ñima ra.

5.3 Ta nu ñaña cuan iyó maa ra cuan. Ta yori maa cuví chasaha chi ra, ni ri chihin cadena.

5.4 Cuaha xaan chaha chahñi ñu chaha ra ta ndaha ra chihin cadena, soco chahnya ra. Yiquin maa sacuvi ra. Ta yori maa cuví chasaha chi ra.

5.5 Ñicahñu ta cha cuaa chicá noo ra canachaá ra nya nu yucu ta nya nu ñaña. Ta sañicuehé ra suri chi maa ra chihin yuu.

5.6 Soco cañi ca nanyehę ra chi ra Jesús, ta chino vavaha ra chaa ra. Ta chicuiñi chiti ra nuu ra.

5.7 Ta cana chaa ra ta catyí ra:

—¿Ñáá tuhun cha tyihún chuun chihin yuhu, yoho Jesús, Sehe Nyoo ra cuví nuu? Chacú ndahvi nuun chihin sivi Nyoo, ma sanyehun tindoho chii.

5.8 Catyí tatyí cuan tyehe caa vatyí ra Jesús cha catyí ra chi ra:

—iSaña chi ra chiña, yoho tatyí ña vaha! —catyí ra.

5.9 Ta ra Jesús ndaca tuhun ra chi ra, ta catyí ra:

—¿Ñáá nañún?

Ta nacahan tatyí ña vaha cuan:

—Legión nañí, vatyí cuaha xaan ndi —catyí chi chi ra Jesús.

5.10 Ta chacu ndahvi tatyí ña vaha cuan nuu ra Jesús tacuhva cha ma tachi ra chi chi nu cañi.

5.11 Ta yatyin ri yucu cuan nyicú cuaha xaan quini cachachí ti.

5.12 Yucuan chaha catyí tatyí ña vaha cuan chi ra Jesús tyehe caa:

—Tachi chi ndi na quihvi ndi quini cuan —catyí tatyí cuan.

5.13 Tyicuan ta chaha ra Jesús, ta tatyí cuan quita coyo chi ra cuan, ta quihvi chi quini cuan. Ta cha uvi mil quini nyicú cuan, cachino ti, ta canacojo ti chichi noo xahva yuhu miñi cuan, ta cachihí ti chichi ndutya cuan.

5.14 Tyicuan ta ra sahá cumi quini cuan, chino xaan ra chihin cha yuhví ra, ta chinacatyí ra chi ñáyivi ñuu cuan ta ñu ñohó nu chiqui. Ta quichi coyo ñáyivi, quichi nyehe ñu ñáá cha cuví.

5.15 Cuhva cha cha coyo ñu nu nyaá ra Jesús, nanyehę ñu chi ra cha yihí tatyí ña vaha cuan chi. Ta vityin nyaá ra ñihnó ra sahma, ta cachi vaha iyó xiñi ra. Ta yuhví xaan ñu cuví.

5.16 Ta ñu cha nyehe cha cuví chi ra cuan ta chi quini cuan, canacatyí ñu chi tandihi ca ñu.

5.17 Tyicuan ta quichaha chacu ndahvi ñu nuu ra Jesús, na quita ra ñuu ñu.

5.18 Ta cuhva cha cua quihvi ra Jesús chichi canoa, ra cha yihí tatyí ña vaha cuan chi chacu ndahvi ra nuu ra Jesús na cuhva ra cuhun ra chihin ra.

5.19 Soco ra Jesús ña chaha ra cuhun ra, ta catyí ra chi ra:

—Cuanuhu nya vehun, nu nyaá ñáyivi chuun, ta nacatyun chi ñu tandihi cha sacuví Sutu yo Nyoo chuhun, ta yoso caa cundahvi cuñi ra nyehe ra chuun.

5.20 Ta ra cuan cuahan ra ta quichaha nacatyí ra chi ñáyivi tandihi ñuu Decápolis tandihi cha sacuví ra Jesús chihin ra. Ta tandihi ñu, iyo cuñí ñu.

Nu nduvaha sehe ra Jairo ta ñaha sihi cha tijn sahma ra Jesús

(Mt. 9.18-26; Lc. 8.40-56)

5.21 Ta cuhva cha nachaa ra Jesús chihin canoa nya inga chiyo miñi cuan, cha coyo cuaha ñáyivi nu nyaá ra. Ta ndoo ra yuhu miñi cuan.

5.22 Tyicuan ta cha noo ra cuví nuu vehe ñuhu. Nañí ra Jairo. Ta cuhva cha nanyehę ra chi ra Jesús, chicuiñi chiti ra nuu ra.

5.23 Ta chacu ndahvi ra nuu ra ta catyí ra:

—Cha cuñí cuví sehi. Coho chihin ta tyison ndahun siqui ña na nduvaha ña ta ma cuví ña.

5.24 Tyicuan ta cuahan ra Jesús chihin ra, soco cuaha ñáyivi nyicón chi ra, ta nyacua nañi tahan ri ca

maa ñu.

5.25 Ta mahñu ñáyivi cuan ñohó noo ñaha cha cuhví. Cha quita uchi uvi cuiya ndoho ña cuehe cha chatí ñiñi ña.

5.26 Ta cuaha tindoho nyehe ña cha cuaha xaan doctor nyehe chi ña. Ta cha sanaa ña tandihi maa cha iyó chi ña, soco ñahri maa tyinyee chi chi ña. Soco ñihi ndihi ca nanduvi.

5.27 Cuhva cha chitó ña tuhun milagru cha sacuví ra Jesús, tuhva ña ityi chata ra ta tñin ña sahma ra.

5.28 Vatyí chicá xiñi ña: “Ma chihin cha tñin ri sahma ra, ta nduvahi”, chicá xiñi ña.

5.29 Ta caa cuhva ri cha tñin ña sahma ra ta cha chatí ñiñi ña cutaxin. Ta tuví iñi coño ñuhu ña tyi cha nduvaha ña chihin cuehe cuan.

5.30 Tyicuan ta tuví iñi ra Jesús vatyí nduvaha noo ñáyivi chihin suhva tunyee iñi cha quita chi ra.

Tyicuan ta nanyehé ra ityi chata ra ta quichaha ndaca tuhun ra:

—¿Yóo cha tñin sahme? —catyí ra.

5.31 Tyicuan ta ra cachicá noo chihin ra quichaha catyí ra chi ra:

—Cha nyehun vatyí ñáyivi tyandahá chuun tyi tñin xaan. ¿Yoso caa cha ndaca tuhun: “Yóo cha tñin chii”? —cacatyí ra chi ra.

5.32 Soco ra Jesús nyehe ra ityi cuan ityi ihya, vatyí cuñí ra nyehe ra yóo cha tñin chi ra.

5.33 Tyicuan ta ñaha cuan ñihí ña chihin cha yuhví ña vatyí chitó ña ñáa cha cuví chi ña. Ta chahan ña chicutiñi chiti ña nuu ra. Ta nacatyí ña tandihi cha ndicha chi ra.

5.34 Ta catyí ra Jesús chi ña:

—Cha nduvahun, Sihi, vatyí chinó iñun. Cuahan, ta ma caca xiñun, vatyí cha nduvahun chihin cuehe cha ndohun —catyí ra Jesús chi ña.

5.35 Ni cahán ca ra Jesús ta cha coyo ñu vehe ra cuví nuu cuan, ta catyí ñu chi ra cha cuví sutu cha luhlu cuan:

—Sehun, cha chihí ña. Ñáa ri ca tuhun cha sayangon chi Ra Sacuaha chiña —catyí ñu.

5.36 Soco ra Jesús ña quichaha ra cha chahan ñu, ta catyí ra chi ra cuví nuu vehe ñuhu cuan:

—Ma yuhvun. Chino iñun —catyí ra chi ra.

5.37 Ta ña chaha ra yóo ca cha cuhun chihin ra, notuhun ri ra Pedro ta ra Jacobo ta ra Juan, yañi ra Jacobo.

5.38 Ta cuhva cha cacha coyo ra vehe ra cuví nuu vehe ñuhu, nyehe ra cha chacú chaa ñáyivi ta caná chaa ñu.

5.39 Quihví ra ta catyí ra chi ñu:

—¿Ñáa tuhun cha iyo xaan cuví ndo, ta chacú ndo tyiña caa? Cuehe luhlu ihya, ña chihí cue, quixí cue —catyí ra chi ñu.

5.40 Soco chacú cuehe ri ñu nyehe ñu chi ra. Tyicuan ta ra Jesús tava ra chi tandihi ñu, ta quehen ra chi sutu cue ta sihi cue ta chi ra cha cha coyo chihin ra, ta quihví coyo ra nu catuví cue.

5.41 Ta tñin ra ndaha cue, ta catyí ra chi cue:

—Talita cumi —ta cuñí chi catyí cuan: Catyí chuun, yoho cuehe luhlu, indicuita!

5.42 Ta caa cuhva ri cua ndicuita cuehe luhlu cuan. Iyó uchi uvi cuiya cue. Ta cuví nacaca cue. Ta ñáyivi iyó xaan cuñí ñu.

5.43 Soco ra Jesús ñihi chaha ra tuhun chi ñu, tyi ma cahan maa ñu tuhun, ta catyí ra chi ñu na cuhva

ñu cha cachi cue.

Nu ñohō ra Jesús ñuu Nazaret

(Mt. 13.53-58; Lc. 4.16-30)

6.1 Tyicuan caa cuvī ta quita ra Jesús yucuan, ta cuanuhu ra nya ñuu ra. Ta ra cachicá noo chihin ra cuahan coyo ra chihin ra.

6.2 Ta chaā quivi nyitatu ñáyivi, ta quichahā sañaha ra chichi vehe ñuhu. Ta cuaha ñáyivi chiñi tuhun cahán ra, ta iyo cuñí ñu, ta catyí ñu:

—¿Nya cutuhvā ra ihya tandihi tuhun ihya? ¿Yóo cha chahā cha chiñi tuñi ihya chi ra? ¿Yoso caa cha cuvī sacuvi ra milagru nahnu xaan ihya?

6.3 ¿Atu ñima ra satyá vitu cuan cuvī ra? Sehe cu María cuvī chi ra. Ta yañi ra Jacobo, ta ra José, ta ra Judas, ta ra Simón, ta cuhva ra iyó tucu ñu chihin yo ihya —catyí ñu.

Ta quiñi cuñí ñu nyehe ñu chi ra.

6.4 Soco catyí ra Jesús chi ñu:

—Tandihí ñu inga ñuu sahá ñu ñáyivi chi noo ra profeta Nyoo, soco ñu ñuu ra ña quichahá ñu chi ra, ni ñu vehe ra, ni ñáyivi chi ra —catyí ra Jesús.

6.5 Ta ña cuvī sacuvi ra ni noo milagru yucuan, soco tyiso ra ndaha ra siqui suhva ri ñu cuhví, ta sanduvahā ra chi ñu.

6.6 Ta iyo cuñí ra vatyi ñu ñuu ra ña chinó iñi ñu chi ra. Ta chahan ra tandihí ñuu nyihi cha nyicú yatyin ri cuan, ta sañaha ra.

Nu tyatyíño ra Jesús chi ra cachicá noo chihin ra nu cucahan ra tuhun Nyoo

(Mt. 10.5-15; Lc. 9.1-6)

6.7 Yahā cuan ta canā ra chi ndi uchi uvi ra chicá noo chihin ra, ta quichahā tachi ra chi uvi uvi ra. Ta chahā ra ityi chi ra vatyi tava ñehe ra chi tatyí ña vaha yihí añima ñáyivi.

6.8 Ta catyí ra chi ra vatyi ñahri maa cha cacuiso ra ityi. Ni yono, ni cha cachi ra, ni xuhun. Ñahri maa cuquindaha ra, noo ri yutun tuvi ra cuiso ra.

6.9 Ndichan ri quihi chaha ra. Ta noo ri sahma cuihno ra, ñima uvi tahan.

6.10 Ta catyí ra chi ra:

—Cuhva cha chaā ndo noo ñuu ta quihvi ndo noo vehe, ndo ndo yucuan ri nyacua nya cha quita ndo ñuu cuan.

6.11 Ta tatu ñáyivi iyó noo ñuu, ña cuñí ñu tiin cuenda ñu chi ndo, ta ña cuñí ñu tyasoho ñu tuhun cahan ndo, quita ndo yucuan ta ñaquisi ndo ñiyaca chaha ndo tari noo seña vatyi ña vaha sacuví ñu. Cha ndicha catyí chi ndo, vatyi quivi cucutuñi chi ñáyivi iyó siqui ñuhu ñayiví, ñu cha ma cuñi tiin cuenda tuhun cahan ndo, cuaha ca tindoho cunyehe ñu, ta ñima ca ñu ñuu Sodoma ta ñuu Gomorra —catyí ra Jesús chi ra.

6.12 Tyicuan ta quita coyo ra ta chichahan ra tuhun Nyoo chihin ñáyivi na ndu uvi iñi ñu cuatyí ñu, ta na nanducu ñu chi Nyoo.

6.13 Ta catavā ñehe ra cuaha tatyí ña vaha añima ñáyivi. Ta cahyu ra acetye chi cuaha ñu cuhví ta casanduvahā ra chi ñu.

Nu catyí chi yoso caa chihí ra Juan ra sacondutyá chi ñáyivi

(Mt. 14.1-12; Lc. 9.7-9)

6.14 Chito rey Herodes tuhun ra Jesús vatyi tandihí ñáyivi cahán ñu tuhun cha sacuví ra, ta chicá xiñi

ra tyehe caa:

—Ra Juan ra sacondutyá chi ñáyivi cuví ra cuan. Nandoto ra cha yahá chihí ra, yucuan chaha iyó tunyee iñi chi ra —chicá iñi ra.

6.15 Inga ñu catyí ñu:

—Ra Elías profeta Nyoo ta cha naha cuví ra ihya —catyí ñu.

Ta inga ñu catyí ñu:

—Inga profeta Nyoo cuví ra, tari ra profeta Nyoo ra chiyó ta cha naha.

6.16 Cuhva cha chiñi ra Herodes tuhun ihya, catyí ra:

—Ican ra cuan cuví ra Juan cha tyihí tyiño tahnya sucun, ta vityin nandoto ra —catyí ra Herodes.

6.17 Tyicuan caa catyí ra Herodes vatyi cha catyi cu Herodías, ta tyihí ra chi ra Juan vehe caa ta chahñi ra chi ra chihin cadena. Cu Herodías cuan, ñasihí ra Felipe, yañi ra Herodes, cuví chi ña. Soco ra Herodes quehen ra chi ña vatyi cuví ña ñasihí ra.

6.18 Ta ra Juan catyí ra chi ra Herodes vatyi ña vaha cha cunyaa ra chihin ñasihí yañi ra.

6.19 Yucuan chaha cu Herodías tasi xaan cuñí ña nyehe ña chi ra Juan, ta cuñí ña cahñi ña chi ra, soco ña cuví.

6.20 Vatyi ra Herodes chitó ra vatyi ra Juan cuví ra noo ra vaha, ra ii, ta yuhví ra chi ra. Yucuan chaha sahá cuenda vaha ra chi ra, ña chahá ra cha sacuvi ña cha cuñí maa ña chihin ra. Ta vasi ña cuaha cutuñi iñi ra Herodes cha cahán ra Juan soco vaha cuñí ra chiñí ra cha cahán ra.

6.21 Soco cu Herodías ñihí ña noo cuhva nu ndihi ra Herodes cuiya, vatyi saccoo ra noo vico cha cuenda ra cacuví tyiño, ta comandante cuenda sindaro, ta ra nahnu ca ityi Galilea cuan.

6.22 6.23 Ta quihví sehe cu Herodías vico cuan, ta quichaha chitá chaha ña. Ta tahañ xaan iñi ra Herodes ta ra cha nyicú cuxiñi chihin ra. Ta tyaa ra cuhva vatyi cuhva ra ñáá cha cacan ña chi ra. Ta catyi ra chi ña:

—Cacan ñáá cha cuñún chii, ta cuhve chuun —catyí ra chi ña.

Ta catyí ra vatyi cuhva ra ñáá ri cha cacan ña, vasi sava ñuhú ñuu nu nyacá ñaha ra.

6.24 Quitá ña ta catyí ña chi sihi ña:

—¿Ñáá cha caquen chi ra? —catyí ña.

Ta catyí sihi ña:

—Cacan xiñi ra Juan ra sacondutyá —catyí ña chi sehe ña.

6.25 Ta numi ri ndihví ñaha tyivaa cuan nu nyaá rey Herodes, ta catyí ña chi ra:

—Cuñí vatyi cahnyon xiñi ra Juan ra sacondutyá ta tyihun nuu noo coho ta cuhvon chii vityin vityin

—catyí ña chi ra.

6.26 Tyicuan ta nducuihya xaan iñi rey cuan. Soco cha tyaa ra cuhva vatyi cuhva ra chi ña, ta siin ri cachiñi ra canyicú chihin ra, ta ña cuñí ra nacahnu ra cha catyí ra chi ña.

6.27 Numi ri tachí rey cuan tyiño chi noo sindaro na quichi nyaca ra xiñi ra Juan.

6.28 Chahañ sindaro cuan chichi vehe caa cuan, ta chahnya ra xiñi ra Juan. Ta quichí nyaca ra, yihí nu noo coho. Tyicuan ta chahá ra chi ñaha tyivaa cuan, ta maa ña nacuhvá ña chi sihi ña.

6.29 Cha chitó ra canyicón chi ra Juan, chahañ coyo ra chinaquehen ra coño ñuhu ra, ta cachityihí ra chichi ñuhú.

Nu chahã ra Jesús cha cachi ohon mil rayii

(Mt. 14.13-21; Lc. 9.10-17; Jn. 6.1-14)

6.30 Yahã cuan ta ndu iin ri ra cha tyatyĩño ra Jesús chi chihin ra, ta canacatyj ra tandihi cha casacuvj ra, ta cha casañahã ra nu chahan ra chicahan ra tuhun Nyoo.

6.31 Ta catyj ra Jesús chi ra:

—Ñaha ndo, na nyitatu yo chiin noo nu taxi ri iyó —catyj ra chi ra.

Tyicuan caa catyj ra vaty cuaha ñáyivi cuahan ta vachi ñu, ta nyacua ña cacuyatyj ra cha cacachi ra.

6.32 Tyicuan ta maa ri maa ra Jesús ta ra cachicã noo chihin ra cuahan coyo ra chihin noo canoa noo nu yori maa ñáyivi nyicú, minoo nu taxi ri.

6.33 Soco cuaha ñu nyehe nu quitã ra. Ta canicohon nuu ñu chi ra. Ta cuahan coyo vavaha ñu chihin chaha ñu, quitã ñu tandihi ñuu ta xihna ca maa ñu chaã coyo.

6.34 Cuhva cha chaã ra Jesús, quitã ra chichi canoa ta nanyehe ra tyi cuaha xaan ñu nyicú yucuan. Ta cundahvi cuñi ra nyehé ra chi ñu, vaty nyicú ñu tari mbee cha yori ra sahá cumi chi ti. Ta quichahã sañaha ra cuaha tuhun chi ñu.

6.35 Cha cua iñi xaan, ta ra cachicã noo chihin ra catuhvã ra ta catyj ra chi ra:

—Cha iñi xaan, ta yucu taxin cuví ihya.

6.36 Catyj chi ñu, na cuhun ñu ñuu cha nyicú yatyin ihya, ta sata ñu pan, vaty ñahri cha cachi ñu iyó ihya —cacatyj ra chi ra.

6.37 Soco nacahan ra Jesús, ta catyj ra:

—Cuhva maa ndo cha cachi ñu.

Canacahan ra ta catyj ra:

—Vasi saha tyiño ndi iñu yoo, soco ma caña xuhun cha cusata ndi pan cachi tandihi ñu ihya.

6.38 Ta catyj ra Jesús chi ra:

—¿Yoso tahan pan nyisó ndo? Cuahan ndo cua nyehe ndo.

Ta cuhva cha cachitõ ra yoso tahan, cacatyj ra chi ra:

—Ohon tahan pan ta uvi tiyaca.

6.39 Tyicuan ta catyj ra na cunyicú noo noo ticuiti ñu nu cuhu cuii cuan.

6.40 Ta chicunycicũ ñu cuenda ciento ta cuenda uvi xico uchi ñu.

6.41 Tyicuan ta quehen ra Jesús ndi ohon tahan pan cuan ta ninduvi tiyaca cuan. Ta nanyehe ndaa ra andivi, ta nacuhvã ra tyahvi nyoo chi Nyoo, ta tahvi ra pan cuan, ta chahã ra chi ra cachicã noo chihin ra na casacha ra. Tyicuan ta casachã ra chi ñáyivi cuan. Yaha cuan ta casachã tucu ra ninduvi tiyaca cuan chi ñu.

6.42 Tandihi ñu cachachj ta ndaha iñi ñu.

6.43 Ta nyacua ndoo ca ta casacutũ ra uchi uvi tica chihin yiquin pan ta tiyaca.

6.44 Ta ohon mil rayii cachachj pan cuan.

Nu chicã ra Jesús nu miñi

(Mt. 14.22-27; Jn. 6.16-21)

6.45 Tyicuan ta catyj ra Jesús chi ra cachicã noo chihin ra na quihvi coyo ra chichi canoa vaty cuhun coyo ra ityi nuu nya inga chiyo miñi cuan ñuu Betsaida. Vaty maa ra Jesús cunasacha xihna ra ñáyivi, tyicuan ta cuhun ra catyj ra.

6.46 Ta cha yahã cuahan coyo ra, ra Jesús cuahan ra nu yucu, cua cacan tahvi ra.

6.47 Ta cuhva cha cuaa, canoa nu ñohó ra cachicã noo chihin ra cha cuahan nya mahñu miñi cuan, ta ndoõ noo tuhun ri maa ra.

6.48 Ta nyehe ra vatyi ña cacuví vaha casacaca ra canoa cuan vatyi ñihi xaan tatyí. Ta cha ñaa ca cuan tuhva ra Jesús chicá ra nu ndutya cuan. Ta saha ri ra cha cua yaha ra nu canoa cuan.

6.49 Soco cananyehé ra chi ra, chicá ra nu ndutya. Ta cacuñi maa ra vatyi noo cha sayuhvi cuví, ta cacana cháa ra.

6.50 Vatyi tandihi ra canyehé ra chi ra ta cayuhvi ra. Soco maa ra cahán ra chihin ra ta catyí ra:
—iSanyee ndo iñi ndo! iYuhu cuví! iMa yuhvi ndo! —catyí ra.

6.51 Quihvi ra chichi canoa nu canyicú ra, ta cutaxin tatyí cuan. Ta iyo xaan cacuñí ra

6.52 cha cuenda vatyi ta cutuñi ca iñi ra milagru cha sacuvj ra chihin pan, vatyi ni ndava ca ñanima ra.

Nu sanduvaha ra Jesús chi ñu cuhví ñuu Genesaret

(Mt. 14.34-36)

6.53 Cayaha sava ra miñi cuan ta cachaá coyo ra ñuu Genesaret, ta cachahñi ra canoa cuan yuhu ndutya ri cuan.

6.54 Ta cha quita coyo ri ra chichi canoa cuan, nichon nuu ri ñáyivi chi ra Jesús.

6.55 Ta cachino vavaha ñu nicahnu ityi cuan sacotó ñu vatyi chaá ra. Ta quichj coyo ñu tandihi ri ñuu, quichj nyaca ñu chi ñu cuhví chihin chito nya nu nyaá ra Jesús.

6.56 Ta tandihi ri ityi nu quihvi ra chichi ñuu luhlu o chichi ñuu nahnu, o chichi cuhu, chacun ñu chi ñu cuhví yuhu ityi. Ta chacu ndahvi ñu nuu ra na cuhva ra cha tiin ñu vasi chiin yuhu sahma ra. Ta tandihi ri ñu tijn chi ra, nduvaha ñu.

Nu sañahá ra Jesús ñáá cha sativí chi ñáyivi

(Mt. 15.1-20)

7.1 Yaha cuan ta ra fariseo ta suhva ra sacuahá cuenda ley vehe ñuhu quichj coyo ra nya ñuu Jerusalén, ta catuhva ra chi ra Jesús.

7.2 Ta canyehé ra vatyi yihí ra cachicá noo chihin ra Jesús cachachí ra ta ña nacatya ra ndaha ra tari cuhva cha tahán chi cha costumbre. Yucuan chaha cacahan nya ra chi ra.

7.3 Vatyi ra fariseo ta tandihi ñu Israel cuan nyicón ca ñu costumbre sutu chahnu ñu, vatyi ma cachi ra tatu ma ndoo ndaha ra cuaha chaha tari cuhva costumbre iyó chi ñu.

7.4 Ta tatu nachaa coyo ñu cha chahan ñu nuyahvi, ma cachi ñu tatu ma sacuvi ñu cuhva cuan cha canacatya xaan ñu ndaha ñu. Ta iyó cuaha ca costumbre cha canyicón ñu. Iyó noo cuhva cha tahán chi nacatya ñu vasu, jarra, ta tandihi ndaha tyiño caa cha iyó chi ñu ta cama ñu ñandihí.

7.5 Tyicuan ta ra fariseo ta ra sacuahá cuenda ley cuan candaca tuhun ra chi ra Jesús, ta catyí ra:
—¿Ñáá tuhun ña sacuví ra nyicón chuun cuhva costumbre sutu chahnu yo? Vatyi ña nacatya ra ndaha ra tari cuhva tahán chi tatu cuacachi ra xita —catyí ra chi ra.

7.6 Ta nacahan ra Jesús, ta catyí ra:

—Ndicha cha cahán ra Isaías tuhun ndo vatyi sahá ndo tyi vaha ndo ta ña ndicha ndo. Catyí ra tyehe caa:

Ñáyivi ihya, chihin yuhu ri ñu catyí ñu tyi cuñí ñu chii.

Soco ñima chihin cha tandihi ñanima ñu, tyi siin nu nyaá xiñi ñu.

7.7 Ñahri maa tuhun cha sacahnú ñu chii,

vatyi cha sañahá ñu chi tahan ñu, maa maa ri maa cuhva sañahá ñáyivi ri cuví, tyaa ra Isaías tuhun ndo.

7.8 Vatyí nyoho sandoó ndo cuhva catyí Nyoo, ta nanyicón ndo cuhva costumbre ñáyivi ri, tuhun cha nacatya xaan ndo ndaha tyiño ndo, ta cuaha cha tyicuan caa sacuví ndo.

7.9 Nyoho sanducaxiñ ndo tuhun cha catyí Nyoo tyi sacuvi ndo, tacuhva vatyí cuvi sacuvi ndo costumbre cha iyó ndo.

7.10 Soco ra Moisés catyí ra nu ley cha tyaa ra: “Saha ndo ñáyivi chi sutu ndo ta chi sihi ndo.” Ta catyí tucu ra: “Tandihi ñu cha cahán ña vaha chi sutu o chi sihi ñu, tahán chi cúvi ñu.” catyí ra Moisés nu ley Nyoo.

7.11 Soco nyoho catyí ndo tyi noo ñáyivi cuví catyí ñu chi sutu ñu o chi sihi ñu tyi ma cuvi tyinyee ñu chi ñu vatyí tandihi cha iyó chi ñu Corbán cuví. (Cuñí chi catyí: “Cha chahí chi Nyoo cuví.”)

7.12 Ta tatu catyí ñu tyicuan caa, ña cuñí ca chi cha tyinyee ñu chi sutu ñu o chi sihi ñu catyí ndo.

7.13 Ta tyicuan caa sacuachiyó ndo tuhun cha catyí Nyoo tyi sacuvi ndo, vatyí cuñí ndo sacuvi ri maa ndo tuhun cha iyó ndo. Ta cuaha ca cha inuu ri caa sacuví ndo —catyí ra Jesús.

7.14 Tyicuan ta cana tucu ra Jesús chi ñáyivi ta catyí ra chi ñu:

7.15 —Tyasoho vaha tandihi ndo tuhun cahín, ta natyihí tuñi iñi ndo. Cha quihví yuhu ñáyivi ta chachí ñu, ña cuví sativí chi chi ñu. Soco cha quitá añima ñu, ican cuan sativí chi ñu.

7.16 Nyoho cha cutuñí iñi ndo, tyasoho ndo tuhun cahín —catyí ra Jesús chi ñu.

7.17 Tyicuan ta sandoo ra Jesús chi ñáyivi cuan, ta quihví ra chichi vehe. Ta ra cachicá noo chihin ra candaca tuhun ra chi ra ñáá cha cuñí chi catyí tuhun cuan.

7.18 Ta catyí ra Jesús chi ra:

—Tu tyicuan caa, ni nyoho, ña cutuñí iñi ndo. ¿Atu ña cutuñí iñi ndo vatyí cha quihví chichi yuhu yo ña sativí chi chi yo?

7.19 Vatyí ñima añima yo quihví chi, soco chichi yo. Ta yaha cuan ta quita chi chichi coño ñuhu yo —catyí ra Jesús.

Chihin cuan cuñí ra catyí ra vatyí tandihi nyayu ta vaha cachi yo.

7.20 Ta catyí tucu ra:

—Cha quitá añima ñáyivi, ican cuan sativí chi ñu.

7.21 Vatyí añima ñu quitá cha ña vaha chicá xiñi ñu, ta sacuví ñu cha ña vaha. Yihí ñu iyó ñu chihin rayíi o chihin ñusihi ta ñima ñasihi ra cuví, ta ñima yíi ñu cuví. Yihí ñu casuhú ñu. Yihí ñu cachahñí ñu.

7.22 Yihí ra iyó ñasihi ra ta chicá noo ra chihin inga ñu. Yihí ñu quichi cuvi iñi ñu cha chii inga ñáyivi. Yihí ñu sacuví ñu cha quiñi caa. Yihí ñu sandaví ñaha ñu. Yihí ñu iyó viciu chi ñu. Yihí ñu nyiyo iñi ñu. Yihí ñu ñii ñu cuendu. Yihí ñu cahnu sahá ñu chi ñu. Yihí ñu ña chaa cha chiñi tuñi xiñi ñu.

7.23 Tandihí tuhun ña vaha ihya, quitá chi ityi chichi añima ñáyivi, ta sativí chi chi ñu —catyí ra chi ra.

Noo ñaha inga ñuu cha chino iñi chi ra Jesús

(Mt. 15.21-28)

7.24 Yahá cuan ta quita ra Jesús yucuan, ta cuahan ra ityi ñuu Tiro ta Sidón. Quihví ra chichi noo vehe ta ña cuñí ra cha coto ni noo ñáyivi, soco ña cuví tixehe nuu ra.

7.25 Ta sihi noo ñaha tyivaa cha yihí noo tatyí ña vaha añima, numi ri chito ña tuhun ra Jesús. Ta chaa ña ta chicuiñj chiti ña nuu ra.

7.26 Ñaha cuan, ñaha inga ñuu cuví ña, ñaha ñuu Sirofenicia cuví ña. Quichí ña ta chacú ndahvi ña nuu ra Jesús na tava ra tatyí ña vaha cha yihí añima sehe ña.

7.27 Soco catyí ra Jesús chi ña:

—Saña, ñacachi xihna ca ñu Israel ñu cuví sehe Nyoo, vatyí ña vaha cha tinyaá yo pan chi sehe yo ta cuhva yo cachi ina —catyí ra Jesús chi ña.

7.28 Ta nacahan ña ta catyí ña:

—Ndicha, Tata, soco ina cuan chachí tucu ti yiquín cha canacoyo xiu mesa cuan —catyí ña chi ra.

7.29 Tyicuan ta catyí ra Jesús chi ña:

—Vaha nacahun. Ta cha cuenda cuan cuví cuhun, vatyí tatyí ña vaha cha yaha quitá chi añima sehun —catyí ra chi ña.

7.30 Ta cuhva cha nachaa ña vehe ña, catuví sehe ña nu chito, ta tatyí ña vaha cuan cha yaha quitá chi cue.

Nu sanduvaha ra Jesús chi noo ra soho ta ñihi

7.31 Ta quitá tucu ra Jesús ñuu Tiro, ta yaha ra ñuu Sidón, ta cuahan ra ityi ñuu cha canañí Decápolis, ta nachaa ra miñi Galilea.

7.32 Nu nyaá ra Jesús yucuan, quichj nyaca ñu chi noo ra soho ta ña cuví vaha cahán ra. Ta chacu ndahvi ñu nuu ra Jesús na tyiso ra ndaha ra síqui ra.

7.33 Tava siin ra Jesús chi ra iin chiyo xiin, nu yori ñáyivi, ta tyihj ra nundaha ra chichi soho ra, ta tyaa sii ra nu yaa ra.

7.34 Yucuan ta nanyehé ndaa ra andivi. Ta naxitá ra tatyí ra, ta catyí ra:

—¡Efata! —ta cuñí chi catyí: ¡Nuña! —catyí ra.

7.35 Ta chihin cuan nuñá soho ra soho cuan, ta nduvaha yaa ra, ta nacahan vaha ra.

7.36 Ta catyí ra Jesús chi ñu tyi yori chihin cahan ñu tuhun, soco tatu catyí ra chi ñu tyicuan caa, ñihi ca canacatyí ñu.

7.37 Ta iyo cuñí ñu ta catyí ñu:

—Tandihi ta vaha sacuví ra. Nyacua cuvi nacuiñi ñáyivi soho sahá ra ta cuví tucu nacahan ñáyivi ñihj ñandihi.

Nu chaha ra Jesús cha cachi cumi mil ñáyivi

(Mt. 15.32-39)

8.1 Quivi cuan nataca tucu cuaha xaan ñáyivi. Ta ñahri maa cha cachi ñu iyó. Tyicuan ta cana ra Jesús chi ra cachicá noo chihin ra, ta catyí ra:

8.2 —Cundahvi cuñí nyehi chi ñáyivi ihya, vatyí cha uñi quivi nyicú ñu ihya chihin, ta ñahri maa cha cachi ñu iyó.

8.3 Tatu natachi chi ñu nya vehe ñu cucachi ñu, coto coñaa ñu ityi, vatyí yihí ñu cañi quichj coyo ñu —catyí ra Jesús chi ra.

8.4 Ta nacahan ra cachicá noo chihin ra, ta catyí ra chi ra:

—¿Soco yoso caa cuhva yo cha cachi ñu ihya, ta yori maa ñáyivi iyó ta xico ñu chi yo?

8.5 Ta ndaca tuhun ra Jesús chi ra, ta catyí ra:

—¿Yoso tahan pan nyisó ndo?

Ta cacatyí ra:

—Ucha tahan.

8.6 Ta catyí ra na cunyicu ñáyivi cuan nu ñuhú. Ta quehen ra ucha pan cuan, ta nacuhva ra tyahvi nyoo chi Nyoo. Yahá cuan ta tahvi sava ra pan cuan, ta chahá ra chi ra cachicá noo chihin ra, na casacha ra chi ñáyivi cuan.

8.7 Ta canyisó tucu ra suhva tiyaca nyihi. Ta nacuhva tucu ra Jesús tyahvi nyoo chi Nyoo, ta chahá ra chi ra na casacha ra.

8.8 Tandihí ñu cachachí ñu, ta cachitu chichi ñu. Ta casacutu ra ucha tahan tica chihin yiquin cha ndoo ca.

8.9 Ta cha cumi mil tahan ñu cachachí. Yahá cuan ta catyí ra Jesús chi ñu na cunuhu coyo ñu.

8.10 Ta quihvi ra chichi noo canoa chihin ra cachicá noo chihin ra. Ta cuahan coyo ra ityi Dalmanuta.

Nu cacatyí ra fariseo chi ra Jesús na sacuvi ra noo milagru

(Mt. 16.1-4; Lc. 12.54-56)

8.11 Tyicuan ta cachaa coyo ra fariseo, ta quichaha cuvi yuhu ra chihin ra Jesus. Ta cacatyí ra chi ra na sacuvi ra noo milagru tatu ndicha cha Nyoo tachí chi ra. Tyicuan caa catyi ra vatyí cuñí ra nducu nyehe ra chi ra.

8.12 Ta ra Jesús uhvi uhvi naxitá ra tatyí ra, ta catyí ra:

—¿Ñáá tuhun cha chicán ñáyivi iyó vityin milagru? Cha ndicha catyí chi ndo vatyí ma sacuvi ni noo milagru nyehe ndo —catyí ra chi ra.

8.13 Tyicuan ta sandoo ra chi ra, ta nandihvi ra chichi canoa ta cuahan ra inga chiyo miñi.

Cuhva iyó ra fariseo tari yuchan iya cuvi, catyí ra Jesús

(Mt. 16.5-12)

8.14 Naa iñi ra cachicá noo chihin ra Jesús cacuiso ra cha cacachi ra. Ta noo pan ri ñohó chihin ra chichi canoa cuan.

8.15 Tyicuan ta catyí ra Jesús chi ra:

—Saha ndo cuenda chi ndo chihin yuchan iya ra fariseo ta ra Herodes —catyí ra chi ra.

8.16 Ta ra cachicá noo chihin ra quichaha cacatyí ra chi ra tahan ra:

—Cha cuenda vatyí ñahri pan nyisó yo, yucuan cuenda cahan ra tuhun cuan —catyí ra chi ra tahan ra.

8.17 Tuví iñi ra Jesús cha ndatuhún ra, ta catyí ra chi ra:

—¿Ñáá tuhun cha catyí ndo tyi ñahri pan nyisó ndo? ¿Atu ta cutuñi ca iñi nyoho? ¿Atu ta coto ca ndo? ¿Atu ni ndava xaan añima ndo?

8.18 Nyaá chiti nuu ndo, ¿atu ña nyehé ndo? Nyaá soho ndo. ¿Atu ña chiñí ndo? ¿Atu ña nicohon iñi ndo

8.19 quivi cha sache ohon tahan pan cuan chi ndi ohon mil rayii? ¿Yoso tahan tica yiquin naquehen ndo? —catyí ra Jesús, ndacá tuhun ra chi ra cachicá noo chihin ra.

Ta maa ra cacatyí ra:

—Uchi uvi.

8.20 Ta catyí tucu ra Jesús chi ra:

—Ta quivi sache ucha tahan pan chi cumi mil ñu, ¿yoso tahan tica tyitu nacoñehe ndo?

Ta cacatyí ra:

—Ucha tahan.

8.21 Tyicuan ta catyí ra Jesús chi ra:

—¿Atu ta cutuñi ca ñi ndo? —catyí ra chi ra cachicá noo chihin ra.

Nu sanduvahá ra Jesús chi noo ra cuaa ñuu Betsaida

8.22 Yahá cuan ta chaá ra Jesús chihin ra cachicá noo chihin ra nya ñuu Betsaida. Ta quichí nyaca ñu chi noo ra cuaa. Ta cachacu ndahvi ñu nuu ra na tñin ra chi ra.

8.23 Tyicuan ta tñin ra ndaha ra cuaa cuan, ta cuahan ra chihin ra ityi chata ñuu. Ta tyaa sii ra chiti nuu ra, ta tyiso ra ndaha ra siqui ra, ta ndaca tuhun ra chi ra tatu cuví nyehe ra chiin.

8.24 Ra cuaa cuan nanyehe ra ta catyí ra:

—Nyehe in cahnu ri maa chi ñáyivi. Cuhva caa yutun caa ñu cahvi ñi, soco chicá ñu —catyí ra.

8.25 Tyicuan ta tñin tucu ra Jesús chiti nuu ra inga chaha, ta maa ra nanyehe vaha ra ta nduvahá ra. Nanyehe cachi vaha ra tandihi.

8.26 Tyicuan ta natachi ra Jesús chi ra ta catyí ra chi ra:

—Ma quhvun chichi ñuu ta ni yori chihin cahun tuhun.

Nu catyi ra Pedro vatyi ra Jesús cuví Cristo

(Mt. 16.13-20; Lc. 9.18-21)

8.27 Yahá cuan ta chahan ra Jesús chihin ra cachicá noo chihin ra ñuu cha ca iyó Cesarea Filipino. Ta ityi cuahan ra, ta ndaca tuhun ra chi ra cachicá noo chihin ra, ta catyí ra:

—¿Ñáá catyí ñáyivi? ¿Yóó ra cuví yuhu? —catyí ra chi ra.

8.28 Ta canacahan ra ta catyí ra:

—Yihí ñu catyí ñu tyi ra Juan ra sacondutyá chi ñáyivi cuvún. Inga ñu catyí ñu tyi ra Elías cuvún. Ta inga ñu catyí ñu tyi inga ra profeta Nyoo cuvún —cacatyí ra chi ra.

8.29 Tyicuan ta ndaca tuhun ra chi ra, ta catyí ra:

—¿Ta nyoho, yóó ra cuví yuhu, cuñi tucu nyoho?

Ra Pedro catyí ra chi ra:

—Yoho cuví Cristo.

8.30 Soco catyi ra Jesús chi tandihi ra tyi yori chihin cacahan ra tuhun cuan.

Nu cahan ra Jesus tuhun tyi cucúvi ra

(Mt. 16.21-28; Lc. 9.22-27)

8.31 Tyicuan ta quichahá sañaha ra vatyi Rayii cha quichí nya gloria cunyehe ra cuaha xaan tindoho. Ta ra mandoñi ta ra cacuví nuu chi tata sutu ta ra casacuahá cuenda ley vehe ñuhu ma cuñi ra natiin cuenda ra chi ra. Catyi ra Jesús chi ra vatyi cucahñi ñu chi ra soco chichi cha cu uñi quivi cunandoto ra.

8.32 Catyi cachi ra chi ra tuhun ihya. Tyicuan ta tava siin ra Pedro chi ra ta quichaha catyi ra tyi ña vaha cha cahan ra cha tyicuan caa.

8.33 Soco ra Jesús nanyocava ra, ta nanyehe ra chi inga ra cachicá noo chihin ra. Ta quichaha cahan ra chi ra Pedro ta catyí ra:

—iCuachiyo chuun nui, cuihna! Vatyí yoho ña chicá xiñun tari cuhva chicá xiñi Nyoo, soco tari chicá xiñi ñáyivi, chicá xiñun —catyí ra Jesús chi ra Pedro.

8.34 Tyicuan ta cana ra Jesús chi ñáyivi ta chi ra cachicá noo chihin ra ta catyí ra chi ñu:

—Tatu nya ndo cuñí ndo cunyicon ndo chii, cuñí chi cahnya ndo iñi ndo tuhun maa ndo. Ta ma ndu uvi iñi ndo cha yihí ndo cuende vasi nyehe ndo tindoho cha cuende. Vatyí yucuan cuví cruzi cha tahán chi cuiso ndo.

8.35 Vatyí nya ndo ña cuñí ndo cúvi ndo cha cuende, suri cha cúvi maa ndo cuvi, ta cuhun ndihi ndo anyaya. Soco nya ndo cuhva ndo ñáyivi ndo cha cuende ta cha cuenda tuhun Nyoo, cucacu ánima ndo.

8.36 Tatu sacunaa ndo ánima ndo anyaya, ¿ñáá ri tuhun cha saha ganaa ndo tandihi cha tyayii cha iyó siqui ñuhu ñáyivi?

8.37 Vatyí tatu sacunaa ndo ánima ndo, ñahri maa cha iyó cha cuví cuhva ndo ta sacacu ndo ánima ndo.

8.38 Tatu nya noo ndo cucahan nuu ndo nyehe ndo chii, ta cucahan nuu ndo tuhun cahín nuu ñáyivi cha iyó cuatyí ta ña quichahá tuhun Nyoo, yuhu Rayii cha quichi nya gloria cucahan tucu nuu mai nyehi chi ndo quivi quichi tiqui chihin ángel cuenda Nyoo. Vatyí cuquichi chihin cha tyaquí maa Suti.

9.1 'Cha ndicha catyí chi ndo, vatyí yihí ndo cha nyicú ndo ihya, ma cúvi ñaha ndo nyacua nya nyehe ndo yoso caa nyacá ñaha Nyoo. Vatyí cuquichi chihin tunyee iñi ra —catyí ra Jesús.

Nu sañahá Nyoo yoso caa ra Jesús noo cha ndicha nu nyacá ñaha ra

(Mt. 17.1-13; Lc. 9.28-36)

9.2 Iñu quivi yaha ta cuahan ra Jesús noo yucu sucun. Ta ra Pedro, ra Jacobo, ta ra Juan ri cuahan coyo chihin ra. Ta yucuan nasama cuhva caa nuu ra Jesús.

9.3 Nduxiño xaan sahna ra ta cuichin xaan nanduví. Yori maa siqui ñuhu ñáyivi ihya cuví nacatya ta nducuichin tyicuan caa.

9.4 Ta cananyehé ra tyi nanyaá ra Elías ta ra Moisés, candatuhún ra chihin ra Jesús.

9.5 Tyicuan ta ra Pedro catyí ra chi ra Jesús:

—Maestro, ivaha xaan cha nyicú ndi ihya! Na savaha ndi uñi tahan tiyahva: noo cha cuenda maun, ta noo cha cuenda ra Moisés, ta nonga cha cuenda ra Elías —catyí ra Pedro,

9.6 vatyí ña chitó ra ñáá tuhun cahán ra. Vatyí maa ra ta inga ra cayuhví ra.

9.7 Tyicuan ta noo xica noo vico siqui ra ta sahví chi ra. Ta chichi vico cuan tyacu noo ndusu cha catyí: —Ican ihya cuví Sehi, ta cuñí xain chi ra. Tyasoho ndo tuhun cahan ra —catyí ndusu cuan.

9.8 Ta cuhva cha cananyehé ra, yori ca ra tayucú chihin ra, noo ri ca maa ra Jesús.

9.9 Cuhva cha cuanoo coyo ra yucu cuan, catyí ra Jesús chi ra tyi ma cacahan ra tuhun cha canyehé ra yucuan, soco nya yaha cha nandoto Rayii cha quichi nya gloria, tyicuan ta cuvi cahan ra tuhun.

9.10 Yucuan chaha ña cacahan maa ra tuhun, vasi cacatyí ra chi tahan ra ñana vaha tuhun cuví cha cunandoto ra.

9.11 Tyicuan ta quichaha candaca tuhun ra chi ra Jesús:

—¿Ñáá tuhun cha catyí ra casacuahá cuenda ley vehe ñuhu vatyí cuquichi xihna ca ra Elías?

9.12 Ta nacahan ra, ta catyí ra:

—Cha ndicha vatyí xihna ca ra Elías nyaá quichi ta sanduvaha ra tandihi. ¿Ta yoso caa catyí tuhun Nyoo cuenda Rayii cha quichi nya gloria? Catyí chi tyi cunyehe ra tindoho, ta ma cuñi nyehe ñáyivi chi

ra.

9.13 Soco yuhu catyí chi ndo tyi cha yahá quichí ra Elías. Ta sacuví maa ñáyivi cha cuñí ñu chihin ra, tari cuhva catyí nu tutu Nyoo cha cucuvi chi ra —catyí ra Jesús chi ra.

Nu sanduvahá ra Jesús chi noo ra tyivaa cha yihí noo tatyí ña vaha chi

(Mt. 17.14-21; Lc. 9.37-43)

9.14 Yahá cuan ta nachaá coyo ra nu nyicú inga ra cachicá noo chihin ra Jesús. Ta canyehe ra tyi cuaha ñáyivi tayucú nicachico. Ta nyicú tucu ra sacuahá cuenda ley yucuan, ta cacuví yuhu ra chihin ra.

9.15 Tyicuan ta cha nanyehe ñu chi ra Jesús, tandihi ñu iyo cuñí ñu, ta cachino ñu chicuhva ñu nocumi chi ra.

9.16 Tyicuan ta ndacá tuhun ra Jesús chi ra cacuvi yuhu cuan ta catyí ra:

—¿Ñáá cuenda cuví yuhu xaan ndo? —catyí ra chi ra.

9.17 Ta noo ra nanyaá chichi cha cuaha ñáyivi yucuan, nacahan ra ta catyí ra:

—Maestro, ihya vachi nyaque chi sehi. Yihí noo tatyí ña vaha chi cue ta sacuníhi chi cue.

9.18 Vatyí tandihi ri nu tiin tatyí cuan chi cue, sanduva chi cue nu ñuhú, ta yucuan quita tiñi yuhu cue ta cahñi noho cue. Ta ndundava cue. Cha catyí chi ra cachicá noo chuhun na tava ra tatyí ña vaha cuan, soco ña cacuví chi ra —catyí ra cuan chi ra Jesús.

9.19 Nacahan ra Jesús ta catyí ra:

—iNyoho ñu ña chinó iñi cuví ndo! ¿Yoso tahan ca quivi cunyai chihin ndo ta cunyei tisihi ndo nyacua nya cha cutuhva ndo ta chino iñi ndo chii?

Ta catyí ra chi ra cuan:

—Nyaca chi ra luhlu chiña tyehe —catyí ra.

9.20 Quichí nyaca ra chi ra luhlu cuan. Ta cuhva cha nanyehe tatyí cuan chi ra Jesús, quehen tatyí cuan chi cue. Ta nduvá cue nu ñuhú, sacañuhú cue chi cue, ta quita tiñi yuhu cue.

9.21 Tyicuan ta ndacá tuhun ra Jesús chi sutu cue:

—¿Ama quichaha cuvi chi ra tyehe caa? —catyí ra chi ra.

Ta nacahan sutu cue, ta catyí ra:

—Nyata luhlu ra.

9.22 Ta cuaha chaha tyihí tatyí ña vaha ihya chi cue nu cayú ñuhu, o nu ndutya. Cuñí chi cahñi chi chi cue. Soco tatu cuví chuun, cundahvi cuñi nyehun chi ndi, ta tyinyeun chi ndi —catyí sutu cue chi ra Jesús.

9.23 Ta catyí ra Jesús chi ra:

—Tatu chinó iñun, tandihi ta cuví cha cuenda ñu chino iñi —catyí ra Jesús.

9.24 Tyicuan ta sutu cue canachaá ra ta catyí ra:

—iChinó iñi! iTyinyee chii na chino ca iñi! —catyí ra chi ra Jesús.

9.25 Cuhva cha nyehe ra Jesús tyi cuaha ñáyivi candu iin ri, ta tava ñehe ra chi tatyí ña vaha cuan, ta catyí ra:

—Yoho tatyí ña vaha cha sañihí ta sasohó chi cue ihya, catyí chuun, na quiton. Saña chi ra luhlu ihya, ta ma ndihvi con chi ra —catyí ra Jesús chi tatyí ña vaha cuan.

9.26 Ta tatyí cuan quiñi xaan canachaꝯ ta na quisi chi chi cue inga chaha ta quitaꝯ. Ta sandoo tatyí cuan chi cue tari noo ndiyi. Ta cuaha ñu catyí vatyi cha chihí cue.

9.27 Soco tñin ra Jesús ndaha cue, ta nacoñehẽ ra chi cue, ta nicuinanyaꝯ cue.

9.28 Tyicuan ta quihví ra Jesús noo vehe, ta ra cachicá noo chihin ra candacaꝯ tuhun ra chi ra ta catyí ra:

—¿Ñáá tuhun ña cuví tava ndi chi tatyí ña vaha cuan?

9.29 Ta catyí ra Jesús:

—Cha cuenda vatyi tahan tatyí ña vaha ihya, quitá, soco chihin cha ma cachi yo ta cacan tahvi yo chi Nyoo —catyí ra chi ra.

Nu cahán ra Jesús tuhun inga chaha vatyi cucúvi ra

(Mt. 17.22-23; Lc. 9.43-45)

9.30 Quivi cha quitaꝯ coyo ra yucuan, yahá coyo ra ityi Galilea. Ta ña cuñí ra Jesús cha coto ñáyivi.

9.31 Vatyi sañahá ra chi ra cachicá noo chihin ra. Ta catyí ra chi ra vatyi Rayii cha quichi nya gloria cunacuhva cuenda ñu chi ra ndaha ñáyivi. Ta cucahñi ñu chi ra, soco cha cu uñi quivi cunandoto ra.

9.32 Soco ña cacutuñí iñi ra tuhun cahán ra chihin ra. Ta cayuhví ra candaca tuhun ra chi ra.

¿Yóó ra cahnu ca?

(Mt. 18.1-5; Lc. 9.46-48)

9.33 Tyicuan ta cachaaꝯ coyo ra ñuu Capernaum. Ta cuhva cha nyicú ra nya vehe, ra Jesús ndacaꝯ tuhun ra chi ra ta catyí ra:

—¿Ñáá tuhun cuví xaan yuhu nyoho ityi vachi yo? —catyí ra ndaca tuhun ra.

9.34 Taxi taxi cacuví ra, vatyi ityi vachi coyo ra, ta cacuví yuhu ra nya ra cuví ra ra cahnu ca.

9.35 Tyicuan ta chicunyaꝯ ra Jesús ta cana ra chi ndi uchi uvi ra chicá noo chihin ra, ta catyí ra chi ra:

—¿Nya ndo cuñí ndo cuvi ndo nuu, cuñí chi cha cuví ndo ra nu ndihí cha nuu tandihí ra, ta sacuvi ndo tyiño nuu tandihí ra? —catyí ra Jesús chi ra.

9.36 Tyicuan ta quehen ra chi noo ra cuehe luhlu ta chinanyaꝯ ra chi cue mahñu ra. Ta tyihí sucun ndaha ra chi cue, ta catyí ra:

9.37 —Ñáyivi cha natiñ cuenda chi noo ra cuehe luhlu chihin sivi, chi yuhu natiñ cuenda ñu. Ta ñu natiñ cuenda chii, ñima chi yuhu ri natiñ cuenda ñu, soco chi ra cha tachí chii ñandihí.

Tatu ña cuahan ñáyivi siqui yo, tumañi iñi chi yo cuahan ñu

(Mt. 10.42; Lc. 9.49-50)

9.38 Tyicuan ta catyí ra Juan chi ra Jesús:

—Maestro, nyehe ndi chi noo ra cuan ta chihin sivun tavá ñehe ra chi tatyí ña vaha. Soco vatyi ñima chihin yo chicá noo ra, catyí ndi chi ra tyi ma sacuvi ca ra —catyí ra Juan chi ra Jesús.

9.39 Soco catyí ra Jesús chi ra:

—Ma casi ndo. Vatyi ni noo ra cha casacuvi milagru chihin sivi ta yaha cuan ta caña iñi ra cahan ña vaha ra siqui.

9.40 Vatyi ñu cha ña cuahan siqui yo, tumañi iñi chi yo cuahan ñu.

9.41 Tatu cuhva noo ñu, vasi noo vasu ndutya coho ndo chihin sivi, cha cuenda vatyi ñu cuenda yuhu

ra Cristo cuví ndo, cha ndicha vatyi cuñihi ñu cha cuacuhva Nyoo chi ñu.

Yica xaan cha sanacava yo chi noo yañi yo nu cuatyí

(Mt. 18.6-9; Lc. 17.1-2)

9.42 Tatu yóó ñu sanacava nu cuatyí chi noo ñu chinó ñi chii, vaha taxin ca cuñi ñáyivi noo yuu sucun ñu ta tuchi ñu chi ñu cuan nu tyañuhu.

9.43 Tatu ndahun sanacavá chuun nu cuatyí, vaha taxin ca cahnya. Vatyi vaha ca cha quihvun nu coun chihin Nyoo chihin cha luu ndahun ta ñima ca chihin cha ninduvi ndahun ta cuhun anyaya nu cayú ñuhü cha ma ndahva ca maa.

9.44 Ta yucuan ña chihí tindacu chachí chi ñu, ta ñuhü ña ndahva maa ni noo chaha.

9.45 Ta tatu chahun ta sanacavá chuun nu cuatyí, vaha taxin ca cahnya. Vatyi vaha ca cuhun nu coun chihin Nyoo chihin cha luu chahun ta ñima ca chihin cha ninduvi chahun ta tuchi Nyoo chuun anyaya. Vatyi yucuan ma ndahva ca maa ñuhü.

9.46 Ta ña chihí tindacu chachí chi ñu, ta ñuhü ni noo chaha ña ndahva.

9.47 Ta tatu noo chiti nuu sanacavá chuun nu cuatyí, vaha taxin ca tava. Vatyi vaha ca cha quihvun nu nyacá ñaha Nyoo chihin noo chiti nuu ta ñima ca chihin ninduvi chiti nuun ta tuchi Nyoo chuun anyaya.

9.48 Vatyi yucuan ña chihí tindacu chachí chi ñu, ta ni noo chaha ña ndahva ñuhü.

9.49 'Soco tandihi ñu nyicon chii, tari cha cayú ñu chihin ñuhü tatu nyehe ñu tindoho cha cuende, vatyi chihin cuan cua sanduvaha Nyoo chi ñu, tari nduvaha nyayu chihin ñii.

9.50 Ñii vaha xaan. Soco tatu ndihi cha uhva, ¿yoso caa cuví cotyiño yo inga chaha? Tyicuan caa tucu nyoho, ma sandihi ndo cha coo tuhun Nyoo aña ndo cha cuví tari ñii vaha. Tyicuan caa ta coo taxi ri ndo chihin tahan ndo.

Nu sañahá ra Jesús tyi ña vaha sandoo rayii chi ñasihi ra

(Mt. 19.1-12; Lc. 16.18)

10.1 Quita ra Jesús Capernaum ta cuahan ra ityi Judea nya inga chiyo yutya Jordán. Yucuan candu ñin ri ñáyivi inga chaha nu nyaá ra, ta quichaha sañaha tucu ra chi ñu tari tuhvá maa ra.

10.2 Tyicuan ta suhva ra fariseo catuhva ra nu nyaá ra Jesús, vatyi nducu ra cuhva tyaa ra cuatyí siqui ra. Ta candaca tuhun ra chi ra tatu vaha cha sandoo noo rayii chi ñasihi ra.

10.3 Tyicuan ta nacahan ra Jesús ta catyí ra:

—¿Ñáá cha catyi ra Moisés tyi sacuví ndo?

10.4 Ta canacahan ra ta cacatyí ra:

—Ra Moisés chaha ra cha cuví cahnya noo ra tutu cha tandaha ra tyicuan ta cuvi sandoo ra chi ñasihi ra —catyí ra chi ra.

10.5 Tyicuan ta catyí ra Jesús chi ra:

—Cati ra Moisés cha sacuvi ndo tyicuan caa soco cha cuenda cha ndava aña ndo.

10.6 Soco quivi xihna ri, quivi savaha Nyoo tandihi maa, savaha ra rayii ta ñaha sihi.

10.7 “Yucuan cuenda sandoó rayii chi sutu ra ta chi sihi ra vatyi ndu ñin ri ra chihin ñasihi ra.

10.8 Ta chichi cha ninduvi tahan ñu cucuvi ñu tari cha noo ri ñáyivi.” Yucuan chaha ñima ca uvi tahan cuví ñu, soco cha nanduvü ñu noo ri ñáyivi.

10.9 Yucuan chaha, ña tahan chi cha sasiin ñáyivi cha sandu ñin ri Nyoo —catyí ra Jesús chi ra.

10.10 Yaha cuan ta nachaꝯ coyo ra nya vehe, ta quichahaꝯ ndaca tuhun ra cachicá noo chihin ra inga chaha siqui tuhun cuan.

10.11 Ta catyí ra Jesús chi ra:

—Ra cha sandoó ñasihi ta tandaha ra chihin inga ñu, chicoó cuatyí ra vatyi ña vaha sacuvi ra chihin ñasihi ra, ñaha cha xihna ri cuan.

10.12 Ta tyicuan caa tucu ñusihi. Tatu sandoó ñu chi yii ñu ta tandaha ñu chihin inga ra suri chicoꝯ tucu cuatyí ñu —catyí ra Jesús.

Nu nasocoꝯ ra Jesús chi ra cuatyaa

(Mt. 19.13-15; Lc. 18.15-17)

10.13 Tyicuan ta quichi nyaca ñu suhva ra cuatyaa chi ra Jesús tacuhva natyiso ra ndaha ra siqui ndotyin. Soco ra cachicá noo chihin ra ña chahá ca ra cha quichi nyaca ñu chi ndotyin.

10.14 Soco cuhva cha nanyehẽ ra Jesús, cuxaan ra. Ta catyí ra chi ra:

—Saña ndo. Na quichi nyaca ñu chi ra cuatyaa nu nyaí. Ta ma casi ndo. Vatyi ñu nyacá ñaha Nyoo añima, cuví ñu chinó iñi chi Nyoo tari chinó iñi ra cuatyaa ihya.

10.15 Cha ndicha catyí chi ndo vatyi tatu ma nacuhva cuenda ndo chi ndo chi Nyoo tari noo ra cuatyaa chihin sutu ndotyin, ma cuvi quihvi ndo nu nyacá ñaha Nyoo —catyí ra Jesús chi ra.

10.16 Ta quehen ra chi noo noo ndotyin ta tyihí sucun ndaha ra. Ta tyisoꝯ ra ndaha ra siqui ndotyin, ta chican tahvi ra chaha ndotyin.

Nu ndatuhún minoo ra tyivaa tyayii chihin ra Jesús

(Mt. 19.16-30; Lc. 18.18-30)

10.17 Yaha cuan ta cuahan ra Jesús. Ta chinꝯ vavaha noo ra cuan chata ra ta chicuiñi chiti ra nuu ra, ta ndaca tuhun ra chi ra, ta catyí ra:

—Maestro, ra vaha cuvún. ¿Yoso caa sacuvi ta ñihi ñayivi cha ma naa ca maa coi? —catyí ra chi ra Jesús.

10.18 Ta catyí ra Jesús chi ra:

—¿Yoso caa chitón tyi vahi? Noo ri ra vaha iyó, ta ican ra cuan cuví Nyoo. (Ta cha catyún tyi vahi, nacotón tyi Nyoo cuví.)

10.19 Yoho cha chitón cha catyí Nyoo cha sacuvi yo: “Ma coun chihin inga ñusihi tatu ñima ñasihun cuví. Ma cahñun. Ma suhun. Ma cahun cuendu siqui ni noo ñu. Ma sandavi ñahun. Sahun ñáyivi chi sutun ta chi sihun” —catyí ra Jesús chi ra.

10.20 Ta nacahan ra cuan ta catyí ra:

—Maestro, tandihi ihya cha sacuvi nyata luhli —catyí ra.

10.21 Tyicuan ta cusii cuñi ra Jesús nanyehé ra chi ra. Ta catyí ra chi ra:

—Cumañi noo ri ca cha cumañi chuun. Cuahan ta xicon tandihi cha iyó chuun ta cuhvon chi ñu ndahvi. Tyicuan ta coo cha tyayin nya andivi. Yaha cuan ta quichun cunyicon chii vasi nyehún tindoho —catyí ra Jesús chi ra.

10.22 Soco cha chiñi ra tuhun cahan ra Jesús tyehe caa, nducuihya iñi ra, ta cuihya xaan cuanuhu ra vatyi tyayii xaan ra.

10.23 Tyicuan ta nanyehẽ ra Jesús nicachico chata ra, ta catyí ra chi ra cachicá noo chihin ra:

—iÑana cha yîi ta cuvi nacuhva cuenda ñu tyayîi chi ñu na cunyaca ñaha Nyoo chi ñu! —catyí ra chi ra.

10.24 Iyo cacuñí ra cachicá noo chihin ra tuhun cahán ra. Soco catyí ra Jesús chi ra inga chaha:

—Sehi, ñu cha tyaa xaan xiñi cha tyayîi, iyîi xaan quihvi ñu nu nyacá ñaha Nyoo!

10.25 Tañi tyehe yaha noo camellu xiu noo yiqui tîcu, ta ñîma ca cha cuhva noo ñu tyayîi cunyacá ñaha Nyoo chi ñu —catyí ra Jesús.

10.26 Cha cachiñî ra tuhun ihya, iyo xaan cacuñí ra, ta candacá tuhun ra chi ra tahan ra, ta catyí ra:

—Tu tyicuan caa, ¿yóó cha cuví cacu añima? —catyí ra.

10.27 Nanyehę ra Jesús chi ra ta catyí ra chi ra:

—Ñáyivi ña cuví sacuvi ñu ihya. Soco Nyoo cuví chi ra. Vatyí cha cuenda Nyoo ñahri cha yîi sacuvi ra.

10.28 Tyicuan ta catyí ra Pedro chi ra:

—Sutu Mañi yuhu, nyuhu sandoş ndi tandîhi cha iyó chi ndi, ta vityin nyicón ndi chuun.

10.29 Nacahān ra Jesús ta catyí ra:

—Cha ndicha catyí chi ndo vatyí tandîhi ñu sandoş vehe, o yañi, o cuhva, o sutu, o sihi, o ñasihi, o sehe, o ñuhú, cha cuenda yuhu ta cha cuenda cha sacoto ñu chi ñáyivi tyi cuñí Nyoo sacacu ra chi ñu, 10.30 cuañihi ñu ciento chaha siqui cha sandoş ñu ihya ñuhu ñáyivi. Cuañihi ñu vehe ta yañi ñu, ta cuhva ñu, ta sihi ñu, ta sehe ñu, ta ñuhú, vasi sanyehę ñáyivi tindoho chi ñu. Soco inga ñáyivi cha vachi, cuñihi ñu ñáyivi cha ma naa ca maa.

10.31 Soco cuaha xaan ñu cha cuvi nuu vityin, ñu nu ndîhi cucuvi ñu. Ta cuaha xaan ñu cuví ñu nu ndîhi vityin, ican ñu cucuvi nuu —catyí ra Jesús.

Nu cahán ra Jesús inga chaha tyi cucúvi ra

(Mt. 20.17-19; Lc. 18.31-34)

10.32 Cuahan coyo ra ndaa ra ityi cuahan ñuu Jerusalén, ta ra Jesús cuahan ra ityi nuu ñu nyicón chi ra. Ta maa ñu iyo cuñí ñu ta chihin cha yuhví ñu cuahan coyo ñu chata ra. Tyicuan ta cana şîñ ra chi ndi uchi uvi ra cachicá noo chihin ra. Ta quichahā catyí ra cha cucuvi chi ra.

10.33 Ta catyí ra:

—Tari cuhva nyehé ndo vityin, cua ndaa yo ityi cuahan ñuu Jerusalén nu cucuhva cuenda ñu chi yuhu Rayîi cha quichi nya gloria chi ra cuví nuu chi tata sutu, ta chi ra sacuahá cuenda ley vehe ñuhu. Ta cucatyí ra tyi cucúvi ta cucuhva cuenda ra chii chi ra inga ñuu.

10.34 Ta cucuacu nyaa ra chii, cucañi ra chii, cutyicu şîi ra chii. Ta cucahñi ra chii. Soco cha cu uñi quivi cunandote cha yaha cúvi —catyí ra Jesús.

Nu cachicān ra Jacobo ta ra Juan noo tumañi iñi chi ra Jesús

(Mt. 20.20-28)

10.35 Tyicuan ta ra Jacobo ta ra Juan, ra cacuví sehe ra Zebedeo, catuhvā ra nu nyaá ra Jesús, ta catyí ra chi ra:

—Maestro, cuñí ndi cha şahun noo tumañi iñi chi ndi —catyí ra.

10.36 Ta ndacā tuhun ra Jesús chi ra:

—¿Ñáá cha cuñí ndo cha sacuvi cha cuenda ndo?

10.37 Ta canacahañ ra ta catyí ra:

—Cuhva cha cunyaa ndi chuhun nu nyacá ñahun, noo ndi chiyo vahun, ta inga ndi chiyo satyun
—catyí ra chi ra Jesús.

10.38 Tyicuan ta catyí ra Jesús chi ra:

—Nyoho ña chitó ndo cha chicán ndo. ¿Atu cuví nyehe nyoho tindoho cha cuanyehe yuhu? ¿Atu cuví
cuhun ndo tuhun chihi tari cuhun yuhu? —catyí ra chi ra.

10.39 Ta canacahañ ra:

—Cuví chi ndi.

Ta ra Jesús catyí ra:

—Cha ndicha vatyi cunyehe ndo tindoho ta cuhun ndo tuhun chihi tari cuhun yuhu.

10.40 Soco tuhun cha cunyaa ndo chiyo vahi ta chiyo satyin, ñima yuhu tahán chi cuhve chi ndo, soco
maa Nyoo cucatyí yóó cha cuñihi nyatu cuan —catyí ra Jesús chi ra.

10.41 Cha cachiñj uchi ca tahan ra chicá noo chihin ra Jesús tuhun cuan, cacuxaan ra chihin ra Jacobo
ta ra Juan.

10.42 Soco cana ra Jesús chi ra ta catyí ra chi ra:

—Chitó nyoho vatyi ra canyacá ñaha chi ñáyivi siqui ñuhu ñayivi, ñihi xaan yosó ra siqui ñu.

10.43 Soco ñima tyicuan caa tahán chi sacuvi nyoho. Vatyi ra cuñí cucahnu ca, cuñí chi cuvi ra musu
tandihí ca ndo.

10.44 Ta nya nyoho cha cuñí ndo cuví ndo nuu, cuñí chi cuvi ndo musu tandihí ca ñu.

10.45 Vatyi ni ri yuhu Rayii cha quichj nya gloria ta ña vachi vatyi sacuvi ñáyivi tyiño nui. Soco vachi
vatyi sacuvi tyiño nuu ndo. Ta vachi vatyi cuhve ñayivi tari noo cha cutiyahvi ta cusacaqui cuaha
ñáyivi —catyí ra Jesús.

Nu sanduvaha ra Jesús chi ra Bartimeo ra cha cuaa

(Mt. 20.29-34; Lc. 18.35-43)

10.46 Tyicuan ta cachañ coyo ra ñuu Jericó. Ta cua yaha ri ra ñuu cuan. Ta cuhva cha quitã ra Jesús
ñuu cuan cuaha xaan ñáyivi cuahan chata ra, iin ri chihin ra cachicá noo chihin ra. Ta yucuan nyaá
noo ra cuaa cha nañí Bartimeo. Sehe ra Timeo cuví chi ra. Nyaá ra cuan yatyin ri yuhu ityi cuan,
chicán ra caridaa.

10.47 Ta cha chiñj ra cuaa cuan tyi cua yaha ra Jesús ra ñuu Nazaret, quichaha cana chaa ra, ta catyí
ra:

—iYoho Jesús, ra vachi tata ra David, cundahvi cuñi chii! —catyí ra canachaá ra.

10.48 Cuaha ñu chasi yuhu ra na cutaxin ra, soco maa ra ñihi ca cana chaa ra ta catyí ra:

—iYoho ra vachi tata ra David, cundahvi cuñi chii! —catyí ra.

10.49 Tyicuan ta chicuiñj ra Jesús ta catyí ra:

—Cana ndo chi ra.

Ta cacana ra chi ra cuaa cuan ta catyí ra chi ra:

—Saniñ iñun. Ndũcuita, vatyi caná ra chuun —cacatyí ra chi ra.

10.50 Tyicuan ta tuchj ñihno ra sahma ndichi ra. Ta ndava ra noo ta tuhva ra nuu nyaá ra Jesús.

10.51 Tyicuan ta quichaha ndaca tuhun ra Jesús chi ra:

—¿Ñáá cha cuñún cha sacuvi chuhun?

Ta nacahan ra cuaa cuan ta catyí ra:

—Maestro, cuñí cha sanduvahun chiti nui —catyí ra.

10.52 Ta catyí ra Jesús chi ra:

—Cuahan. Cha nduvahun vatyi chinó iñun chii.

Ta caa cuhva ri cuan cuví nanyehe ra cuaa cuan. Ta cuahan ra chata ra Jesús ityi cuahan ra.

Nu quihvi ra Jesús ñuu Jerusalén

(Mt. 21.1-11; Lc. 19.28-40; Jn. 12.12-19)

11.1 Cachahá coyo ra yatyin ri ñuu Jerusalén, nu nyaá ñuu Betfagé ta ñuu Betania. Ta yucu yutun Olivo nyaá ityi nuu chiin ca. Tyicuan ta catyí ra Jesús chi uvi ra chicá noo chihin ra:

11.2 —Cuahan ndo chichi ñuu cha nyaá ityi nuu chiña. Ta nu cua chaa ndo cunañihi ndo noo burru chaa nuhñí ti, quiti ta quihí ca tyayu cuví ti. Ndachi ndo chi ti, ta quichi nyaca ndo chi ti.

11.3 Ta tatu yóo cha ndaca tuhun ñáá tuhun sacuví ndo tyicuan caa, catyi ndo chi ñu vatyi chiñuhú ti chi ra nyacá ñaha, ta numi ri cunanyaca ndo chi ti, catyi ndo chi ñu —catyí ra Jesús chi ra.

11.4 Tyicuan ta cuahan coyo ra, ta canañihi ra burru cuan nuhñí ti ityi cahnu yatyin ri noo yuvehe, ta candachi ra chi ti.

11.5 Ta suhva ra canyicú cuan catyí ra chi ra:

—¿Ñáá cha nyacuvi ndo? ¿Ñáá tuhun cha ndachí ndo burru chiña? —catyí ra chi ra.

11.6 Tyicuan ta canacahan ra tari cuhva cha catyí ra Jesús chi ra. Ta cachahá ra cuhun coyo ra.

11.7 Tyicuan ta caquehen ra burru cuan ta chinyaca ra chi ra Jesús. Ta catyiso ra sahma ra siqui ti, ta nda ra Jesús chi ti.

11.8 Ta cuaha ñu ndica ñu sahma ñu ityi cuahan ra, ta inga ñu chahnu ñu soco numa ta cachacun ñu.

11.9 Tyicuan ta ñu cha cuahan ityi nuu ra ta ñu cha cuahan ityi chata, quichahá cana chaa ñu ta catyí ñu:

—iCahnu xaan cuví Nyoo! iNa sacahnu yo chi ra vachi cuenda Sutu yo Nyoo!

11.10 iSacahnu yo chi ra vachi nyacá ñaha tari chinyaca ñaha sutu chahnu yo ra David! iCahnu xaan ca cuví ra nyaá andivi! —catyí ñu.

11.11 Tyicuan ta quihvi ra Jesús chichi ñuu Jerusalén, ta cuahan ra vehe ñuhu cahnu. Ta cha yaha nanyehe ra ityi cuan ityi ihya, ndaca chata ra ñuu Betania chihin ndi uchi uvi ra chicá noo chihin ra vatyi cha iñi.

Nu soco ra Jesús chi yutun higo cha ñahri chiti iñi nuu tun

(Mt. 21.18-19)

11.12 Cha inga quivi quita coyo ra ñuu Betania cuan, ta cha ni ri ca cha cuahan ra chicá ityi ra cha noo soco chi ra Jesús.

11.13 Ta nyasava ri nanyehe ra noo tu higo cha nyaá numa. Ta chahan ra chinyehe ra tatu iñi chiti nuu tun, soco maa maa ri numa ri iñi, vatyi ta chaa ca quivi quita chiti tun.

11.14 Tyicuan ta cahan ra Jesús chihin tun, ta catyí ra chi tun tyehe caa:

—Ma coo ca chiti cachi ñáyivi nuun —catyí ra chi tun.

Ta ra cachicá noo chihin ra cachiñí ra cha cahan ra.

Nu tava ñehe ra Jesús chi ra caxicó chichi vehe ñuhu cahnu

(Mt. 21.12-17; Lc. 19.45-48; Jn. 2.13-22)

11.15 Yaha cuan ta nachaꝓ coyo ra Jerusalén. Ta quihvi tucu ra Jesús chichi vehe ñuhu cahnu. Ta quichaha tava ñehe ra chi ra caxicó ta ra casatá yucuan. Sanduva ra mesa ñu canasamá xuhun chi ñáyivi. Ta suri tyicuan caa sacuvi ra chihin tyayu ra caxicó paloma.

11.16 Ta ña chaha ca ra ca cuiso ñu ñáá cha cuiso ñu ityi chichi vehe ñuhu cuan.

11.17 Ta quichaha sañaha ra chi ñu, ta catyí ra:

—Nu tutu Nyoo catyí chi: “Vehi, vehe nu chicán tahvi tandihi ñáyivi iyó siqui ñuhu ñayivi cuví”, catyí Nyoo. ¡Soco nyoho nasahá ndo vehe nu nyicú ra suhu! —catyí ra Jesús.

11.18 Ta ra cacuví nuu chi tata sutu ta ra casacuahá cuenda ley vehe ñuhu cachiñi ra cha cahán ra, ta quichaha canducu ra cuhva cha cacahñi ra chi ra vatyi cayuhví ra chi ra tyi cha tandihi ñáyivi iyo cuñi ñu cha sañahá ra.

11.19 Soco cuhva cha cua cuaa ra Jesús quitá ri ra ñuu cuan chihin ra cachicá noo chihin ra.

Nu na ityi tu higo cha soco ra Jesús

(Mt. 21.20-22)

11.20 Cha ñaha ri cha inga quivi cuan, nayaha coyo ra nu nanyaá tu higo cuan. Ta cananyehé ra vatyi na ityi nyacua nya yoho tun.

11.21 Tyicuan ta nicohon iñi ra Pedro vatyi soco ra Jesús chi tun ta catyí ra chi ra Jesús:

—Maestro, nyehé tu higo cha socon, cha na ityi tun —catyí ra.

11.22 Nacahan ra Jesús, ta catyí ra:

—Chino iñi ndo chi Nyoo.

11.23 Vatyi cha ndicha catyí chi ndo vatyi nya nyoho catyí ndo chi yucu ihya, “Na canyaha ta cuhun nu tyañuhu”, ta tatu ña chicá uvi iñi ndo, ta chinó iñi ndo, tuhun cahan ndo cua cuvi.

11.24 Yucuan chaha catyí chi ndo vatyi tandihi cha chicán tahvi ndo, ta tatu chinó iñi ndo tyi cha naquehen ndo, tyicuan caa cucuvi.

11.25 Ta tatu chicán tahvi ndo chi Nyoo ta cuxaán ndo chi inga ñu, saha ndo ticahnu iñi chi ñu, tacuhva vatyi Sutú ndo, ra nyaá andivi, saha tucu maa ra ticahnu iñi cuatyí ndo.

11.26 Soco tatu ña sahá ndo ticahnu iñi chi ñu, ni ri Sutú ndo, ra nyaá andivi, ma saha ra ticahnu iñi cuatyí maa ndo.

Yóo cha chaha ityi chi ra Jesús vatyi sacuvi ra cha sacuví ra

(Mt. 21.23-27; Lc. 20.1-8)

11.27 Tyicuan ta nachaꝓ coyo ra Jerusalén. Ta cha niri ca cha chicá noo ra Jesús chichi vehe ñuhu cahnu cuan, catuhva ra cacuví nuu chi tata sutu, ta ra sacuahá cuenda ley, ta ra cacuví mandoñi nu nyaá ra.

11.28 Ta candaca tuhun ra chi ra.

—¿Yóo cha tyaꝓ tyiño chuun vatyi sacuvun tyehe caa? ¿Yóo cha chaha ityi chuun vatyi sacuvun?

—cacatyí ra.

11.29 11.30 Ta nacahan ra Jesús, ta catyí ra:

—Cua ndaca tuhun tucu yuhu noo tuhun chi ndo. ¿Yóo cha tachí chi ra Juan vatyi sacondutya ra chi ñáyivi? ¿Atu Nyoo tachí chi ra, o ñáyivi? Tatu catyí ndo chii, tyicuan ta cua catyí tucu yuhu chi ndo yóo cha tyatyíño ihya chii —catyí ra Jesús chi ra.

11.31 Tyicuan ta quichaha cacuvi yuhu maa ra chihin tahan ra ta cacatyí ra:

—Tatu catyi yo tyi Nyoo tachí chi ra Juan, cucatyí ra chi yo: “Tu tyicuan caa, ¿ñáá tuhun ña chinq iñi ndo chi ra?”

11.32 ¿Ta yoso caa catyi yo tyi ñáyivi tachí chi ra? Ma cuvi —cacatyí ra, vatyi cayuhví ra chi ñáyivi, vatyi tandíhi ñu cachinó iñi ñu vatyi cha ndicha cuenda Nyoo cahan ra Juan.

11.33 Tyicuan ta quichaha cacatyí ra chi ra Jesús:

—Ña chitó ndi.

Tyicuan ta ra Jesús catyi ra chi ra:

—Ni yuhu ma catyi chi ndo yóo cha tyaq tyiño chii tyi sacuvi cha sacuví —catyi ra Jesús chi ra.

Nu chahá ra Jesús noo cuhva yoso caa cucahñi ñu chi ra

(Mt. 21.33-46; Lc. 20.9-19)

12.1 Tyicuan ta chihin cuhva ihya quichaha cahan ra Jesús chihin ra, ta catyi ra chi ra:

—Chiyó noo ra cha tachí ra yoho tichaha ndivi. Ta chasí ra chaha. Ta savahá ra noo nu cuhñi ra tichaha ndivi. Ta savahá ra noo vehe sucun tacuhva vatyi cuví saha ra cuenda tandíhi.

Yahá cuan ta chahá noo ra ñuhú cuan chi suhva ra casahá tyiño. Ta cuahan ra inga ñuu.

12.2 Ta cha chaq quivi iyó chiti yoho cuan, chitoho ñuhú cuan tachí ra noo musu nu nyicú ra casahá tyiño cuan vatyi cacan ra suhva chiti cha tahán chi chi ra.

12.3 Soco catiñ ra chi ra. Ta cacañi ra chi ra. Ta canatachí ra chi ra chihin nu ndaha nu ndii ra.

12.4 Tyicuan ta chitoho ñuhú cuan tachí ra chi inga musu, soco chi ra ihya catuchí ra yuu chi ra, catahví ra xiñi ra, ta cacahan uhvi ra chi ra.

12.5 Ta inga tucu musu tachí chitoho ñuhú cuan. Ta chi ra cuan cachahñi ra. Yahá cuan ta tachí ra cuaha ca ra. Soco cacañi ra chi suhva ra. Ta chi suhva ca ra cachahñi ra.

12.6 Ta ndoo noo ri ca ra cha cuví tachi chitoho ñuhú cuan. Ican cuví sehe ra cha cuñí xaan ra. Ta nu ndíhi tachí ra chi sehe ra vatyi cuñí maa ra chicá xiñi ra: “Cucasaha ra ñáyivi chi sehi”, cuñí ra chicá xiñi ra.

12.7 Soco nu chaq sehe ra, ra casahá tyiño cuan catyi ra chi tahan ra: “Ican ra ihya cundoo chihin tandíhi ihya. Na cahñi yo chi ra, ta ndoo maa yo chihin”, catyi ra.

12.8 Ta tyicuan caa catiñ ra chi ra ta cachahñi ra chi ra. Tyicuan ta cachituchí ra coño ñuhu ra ityi chata chacu cuan —tyicuan caa cuhva cahan ra Jesús chihin ra cuan.

12.9 Tyicuan ta ndaca tuhun ra Jesús chi ra ta catyi ra:

—¿Ñáá cha cusacuvi ra cuví chitoho ñuhú cuan? Cuquichi ra ta cucahñi ra chi ra casahá tyiño cuan. Ta cuhva ra ñuhú cuan chi inga ra.

12.10 ¿Atu ta sacuaha ca nyoho nu tutu Nyoo nu catyi chi tyehe caa?

Yuu cha ña cacuñi ra casavaha vehe cotyiño ra,

ican cuan cuví yuu cha niñi ca.

12.11 Ican ihya cuví cha sacuví Sutu yo Nyoo.

Ta tyaquí xaan tuhun cha cuenda chi yo, catyi chi nu tutu Nyoo —catyi ra Jesús chi ra cacuví nuu chi tata sutu cuan.

12.12 Tyicuan ta canducu ra cuhva cha tyihi ra chi ra Jesús vehe caa vatyi cachitó ra vatyi cahan ra

cuhva ihya soco cha cuenda maa ra. Soco vatyi cayuhví ra chi ñáyivi, casandoq ra chi ra, ta cuahan coyo ra.

Nu ndacā tuhun ra chi ra Jesús cha cuenda xuhun cha tavā gobiernu ñuu Roma

(Mt. 22.15-22; Lc. 20.20-26)

12.13 Tyicuan ta catach̄i ra suhva ra cuenda ra Herodes ta suhva ra fariseo nu nyaá ra Jesús vatyi casacahan ra chi ra ta coo cuatyí catyaa ra siqui ra.

12.14 Chaq̄ coyo ra ihya ta quichaha catyí ra chi ra Jesús:

—Maestro, chitó ndi vatyi cahún cha ndicha, ta ña quichahún cha cahán ñáyivi, ta ña nat̄in cuendon cuhva caa ri ñu. Ta ndicha sañahún ityi Nyoo. Yucuan chaha cuñí ndi coto ndi, ¿atu vaha cha tyiyahvi yo cha chicán gobiernu ñuu Roma chi yo, o ña vaha? ¿Atu tahán chi cha tyiyahvi yo, o ña tahán chi? —cacatyí ra chi ra Jesús.

12.15 Soco ra Jesús chitó ra vatyi ñima cha vaha chicá xiñi ra, ta catyí ra chi ra:

—¿Ñáá tuhun cha cuñí ndo sandavi ñaha ndo chii? Nyacā ndo noo xuhun chii, na nyehi —catyí ra.

12.16 Caquich̄i nyaca ra chi ra. Ta cuhva cha nanyeh̄e ra ta ndacā tuhun ra chi ra, ta catyí ra:

—¿Yóó chi nuu ihya, ta yóó chi sívi nyaá ihya? —catyí ra chi ra.

Ta canacahan ra ta cacatyí ra:

—Chi gobiernu.

12.17 Tyicuan ta catyí ra Jesús chi ra:

—Cuhva ndo chi gobiernu cha tahán chi chi ra. Ta cuhva tucu ndo chi Nyoo cha tahán chi Nyoo —catyí ra Jesús chi ra.

Ta iyo cacuñí ra tuhun cha nacahan ra.

Nu canduc̄u tuhun ra saduceo siqui tuhun cha nandotó ndiyi

(Mt. 22.23-33; Lc. 20.27-40)

12.18 Tyicuan ta cuahan coyo suhva ra saduceo nu nyaá ra Jesús. Ican ra saduceo ihya catyí ra vatyi ña nandotó ndiyi. Yucuan chaha cacahan ra tyehe caa ta catyí ra chi ra Jesús:

12.19 —Maestro, tyaā ra Moisés tuhun yoso caa tahán chi sacuvi yo tatu noo rayīi ta chih̄i ra ta ndoo ñasihi ra soco ña chicoq̄ sehe ra chihin ña. Catyí ra vatyi tahán chi tandaha yañi ra chihin ñaha cha chih̄i yii cuan, tacuhva vatyi coo sehe ña cha cuenda ndi yañi ra.

12.20 Noo chaha chiȳo ucha tahan ra chihin yañi ra. Ra cha xihna ri tandahā ra chihin noo ña, ta yori sehe ra chicoq̄.

12.21 Ta ra cu uvi tandaha ra chihin ñaha cha ndoō cuan. Ta suri chih̄i ra. Ta suri yori sehe ra chicoq̄. Ta tyicuan caa tucu cuv̄i chihin ra cu uñi cuan.

12.22 Ta tyicuan caa ndī ucha tahan ra tandahā chihin ña. Ta ni noo ra ña cachiȳo sehe ra chihin ña. Ta nu ndihi tuhun, chih̄i ndihi maa ña.

12.23 Ta vityin, quivi cunandoto ñáyivi, ¿nya ra cucuvi yii ña? Vatyi ndī ucha tahan ra cuan chiȳo chihin ña —cacatyí ra chi ra Jesús.

12.24 Tyicuan ta nacahan ra Jesús ta catyí ra chi ra:

—Nyoho cahán tondo ri maa ndo, vatyi ña chitó ndo cha nyaá nu tutu tuhun Nyoo. Ta ni ña chitó ndo yoso caa tunyee iñi Nyoo.

12.25 Vatyi quivi cunandoto ndiyi, ni ma tandaha ñu ta ni ma cuhva ñu sehe ñu tandaha, vatyi tari

ángel cha nyaá andivi tyicuan caa cucuvi ñu.

12.26 Ta tuhun cha nandotó ndiyi cuan, ¿atu ta sacuahá ca ndo nu libru ra Moisés yoso caa cahan Nyoo chihin ra nu cayú taca iñu cuan? Ta tyehe caa catyí ra chi ra: “Yuhu cuví Nyoo cuenda ra Abraham, ta cuenda ra Isaac, ta cuenda ra Jacob”, catyí Nyoo chi ra Moisés.

12.27 Ta cha catyí Nyoo tyicuan caa cuñí chi catyi vatyí vasi cha naha cachihí ra, soco canyitó añima ra vatyí Nyoo ñima Nyoo cuenda ñu ndiyi cuví ra, soco Nyoo cuenda ñu nyitó cuví ra. Yucuan chaha catyí vatyí nyoho cahan tondo ri ndo —catyí ra Jesús chi ra.

Ley cha niñi ca cha chaha Nyoo

(Mt. 22.34-40)

12.28 Chaq tucu noo ra sacuahá cuenda ley vehe ñuhu cuan, ta chiñi ra cacuví yuhu ra. Ta vatyí chitó ra vatyí ra Jesús vaha nacahan ra nu cacahan ra yucuan, ta ndaca tuhun ra chi ra ta catyí ra:

—Chichi cha tandihí ley, ¿nya cha niñi ca sacuvi yo? —catyí ra.

12.29 Ta nacahan ra Jesús ta catyí ra:

—Cha xihna ca sacuví yo cha nuu tandihí, ican cuví ihya: “Cuñi ndo ñu Israel. Sutu yo Nyoo, noo ri maa ra iyó.

12.30 Cuñun chi Sutu yo Nyoo chihin cha ñi iñun ta chihin cha tandihí añimon, ta chihin cha tandihí cha chiñi tuñi xiñun, ta chihin cha tandihí tunyee iñun.” Ican ihya cuví cha xihna ca cha tahan chi sacuvi yo.

12.31 Ta cha cu uvi catyí chi: “Cuñun chi tahan tari cuñún chi maun.” Ñahri ca tuhun cha niñi ca ican saha nduvi tahan ihya —catyí ra Jesús.

12.32 Tyicuan ta ra sacuahá cuenda ley cuan catyí ra chi ra:

—Vaha xaan nacahun, Maestro. Ndicha cha catyún vatyí noo ri Nyoo iyó, ta yori ca Nyoo iyó, noo tuhun ri maa ra.

12.33 Ta cha cuñí yo chi Nyoo chihin cha ñi iñi yo ta chihin cha tandihí cha chiñi tuñi xiñi yo, ta chihin cha tandihí añima yo, ta chihin cha tandihí fuerza yo, ta cuñi yo chi tahan yo tari cha cuñí yo chi maa yo, vale ca cuan ta ñima ca tandihí quiti cha chahá yo chi Nyoo cha chahñi yo ta chahmí yo —catyí ra sacuahá cuenda ley cuan chi ra Jesús.

12.34 Nyehe ra Jesús vatyí vaha nacahan ra chihin cha cachi xiñi ra. Ta catyí ra chi ra:

—Chiin ri ca cuñí chi ta ñihún cuhva yoso caa nacuhvon añimon chi Nyoo na cunyaca ñaha ra —catyí ra Jesús chi ra.

Ta ni noo ca ñu ña cañá ca iñi ñu candaca tuhun ñu ñáá cha ndaca tuhun ñu chi ra Jesús.

¿Yóo chi tata vachi ra Cristo?

(Mt. 22.41-46; Lc. 20.41-44)

12.35 Sañahá ra Jesús chichi vehe ñuhu cahnu, ta catyí ra:

—¿Yoso caa cha cacatyí ra sacuahá cuenda ley vehe ñuhu vatyí ra Cristo vachi ra tata ra David?

12.36 Vatyí suri maa ra David chotyño Tatyí Ii chi ra ta catyí ra:

Cahan Suti Nyoo chihin Suti ra Cristo, ta catyí ra:

“Cunyaa chiyo vahi nyacua nya cuhve chi ra xaan iñi chuun vatyí cuaca chahun siqui ra”, catyí Nyoo chihin yuhu ra David ta cha naha.

12.37 ¿Yoso caa cha ra vachi tata ra David cuví chi ra Cristo, ta suri maa ra David catyí ra vatyí ra

Cristo cuví Sutu ra? —catyí ra Jesús.

Ta cuaha xaan ñáyivi nyicú yucuan sii xaan cacuñí ñu chiñí ñu tuhun cahán ra.

Nu catyí ra Jesús vatyi iyó cuatyi ra casacuahá cuenda ley vehe ñuhu

(Mt. 23.1-36; Lc. 11.37-54; 20.45-47)

12.38 Nu sañahá ra Jesús ta catyí ra tyehe caa:

—Saha ndo cuenda chi ndo chihin ra casacuahá cuenda ley vehe ñuhu, vatyi tahán iñi ra cacuihno ra sahma nañi ta chicá noo ra nuyahvi tacuhva saha ndo ñáyivi chi ra, ta cuhva ndo nocumi chi ra.

12.39 Maa ra cananducú ra nu vaha ca cunyicu ra chichi vehe ñuhu. Ta nu vaha ca cacuñí ra cachi ra nyayu nu iyó vico.

12.40 Ta ican ra catinyaá vehe ñu chihí yii, vatyi ña cuví tyiyahvi ñu ñáá xuhun tava ra siquí ñu. Ta cuñí ra sacuvaha ra chi ra nuu ñáyivi. Yucuan chaha naha chicán tahvi ra nu tuvi. Maa ra cuví cha cutachi tuñi ca Nyoo chii —catyí ra Jesús.

Noo cha chahá noo ñaha chihí yii

(Lc. 21.1-4)

12.41 Noo chaha nyaá ra Jesús chichi vehe ñuhu cahnu yatyin ri nu nyaá chatun nu cumí ñu xuhun cha chahá ñáyivi chi Nyoo. Ta nyehe ra yoso caa tyihí ñáyivi xuhun yucuan. Ta cuaha ñu tyayii chahá ñu cuaha xaan xuhun.

12.42 Tyicuan ta chaq tucu noo ñaha ndahvi chihí yii, ta tyihí ña uvi tahan xuhun cuatyi cha caha xaan nyaá.

12.43 Tyicuan ta cana ra Jesús chi ra cachicá noo chihin ra, ta catyí ra chi ra:

—Cha ndicha catyí chi ndo vatyi ñaha ndahvi chihí yii ihya, cuaha ca chahá ña ta ñima ca inga ñu catyihí xuhun chiña.

12.44 Vatyi tandihi ñu cachahá ñu cha ndoo ri ca chi ñu. Soco maa ña chihin cha ndahvi ña chahá ña tandihi cha cumí ña —catyí ra Jesús.

Nu catyí ra Jesús vatyi cutani vehe ñuhu cahnu

(Mt. 24.1-2; Lc. 21.5-6)

13.1 Cuhva cha cua quita ra Jesús chichi vehe ñuhu cahnu cuan, noo ra chicá noo chihin ra catyi ra chi ra:

—iMaestro, nyehe ñana cha tyaqui yuu yihí vehe ihya! iÑana cha nahnu vehe ihya! —catyí ra chi ra Jesús.

13.2 Soco nacahan ra Jesús, ta catyí ra chi ra:

—¿Atu nyehún vehe nahnu ihya? Soco catyí chuun vatyi ma ndoo ni noo yuu coso siquí tahan, vatyi tandihi cutani —catyí ra Jesús.

Seña cha cucuvi cha ni cumañi ca naa ñayiví

(Mt. 24.3-28; Lc. 21.7-24; 17.22-24)

13.3 Tyicuan ta cuahan coyo ra nya yucu yutun Olivo cha nyaá inga chiyo xahva ityi nuu vehe ñuhu cahnu. Ta cuhva cha nyaá ra Jesús yucuan, ra Pedro, ra Jacobo, ra Juan, ta ra Andrés candaca tuhun xehe ra chi ra:

13.4 —Cuñí ndi cha catyun chi ndi ama cucuvi tandihi tuhun cha cahun tuhun. ¿Ñáá seña cucuvi tatu cha cua cuvi? —cacatyí ra.

13.5 Nacahan ra Jesús ta catyí ra:

—Saha ndo cuenda chi ndo tacuhva yori sandavi ñaha chi ndo.

13.6 Vatyí cuaha xaan ra cuquichi coyo ra, ta cucotyíño ra sivi ta cucatyí ra: “Yuhu cuví ra Cristo.” Ta cusandavi ñaha ra chi cuaha xaan ñáyivi.

13.7 'Soco tatu chiñí ndo tuhun tyi iyó cuatyí ta cañí tahan ñáyivi, ma nayuhvi ndo. Vatyí tyicuan caa tahán chi cucuvi, soco ta chaa ca quívi cunaa ñáyivi.

13.8 Vatyí noo ñuu cucañi tahan chi chihin inga ñuu, ta ñáyivi cuenda noo gobiernu cucañi tahan ñu chihin ñáyivi cuenda inga gobiernu. Ta cucoo cha taan nahnu cuaha ri ityi. Ta cucoo tama. Ta cunaquíqui ñáyivi. Ta tyehe caa cua quichaha cha nyehe ñáyivi tindoho.

13.9 Soco saha ndo cuenda chi ndo. Vatyí cucuhva cuenda ñu chi ndo chi ra cacuví tyiño. Ta cucañi ñu chi ndo chichi vehe ñuhu. Cucuhva cuenda ñu chi ndo nuu gobernador ta nuu rey cha cuenda yuhu. Ta tyicuan caa cuví cahan ndo tuhun nuu ra.

13.10 Vatyí cha ni cumañi ca naa ñáyivi, cuñí chi cucutya tuhun Nyoo yoso caa sacacú ra añima ñáyivi tandihi ñuu.

13.11 Ta cuhva cha cunyaca ñu chi ndo nuu ra cacuví tyiño, ma caca xiñi ndo ñáá tuhun cucahan ndo, ni ma ndichi xiñi ndo. Cahan ndo cha catyí Nyoo chi ndo cha cahan ndo cuhva cuan. Vatyí ñima nyoho cucahan, soco maa Tatyí Ii Nyoo.

13.12 Yihí ra cunacuhva cuenda ra nyacua nya chi yañi maa maa ra. Ta sacuvi ra na cacahñi ñu chi ra. Ta yihí ñáyivi cunacuhva cuenda ñu chi sehe ñu. Ta yihí ñu cunaquíqui ñu siqui sutu ñu ta sihi ñu. Ta cunacuhva cuenda ñu chi ñu na cahñi ra chi ñu.

13.13 Tandihí ñáyivi cutasi cuñi nyehe ñu chi ndo cha cuenda yuhu. Soco tatu cunyeé iñi ndo nyacua nya nu ndihí, cucacu ndo.

13.14 'Ra Daniel, ra profeta Nyoo ta cha naha, tyaa ra yoso caa cuahan tuhun noo cha cusacaquíni nu ii xaan. Ta cusativi chi tandihí. Tatu nyehé ndo nanyaá yucuan nu ña tahán chi cuinanyaa, (nyoho cha sacuahá ndo ihya na cutuñi iñi ndo) cuñí chi cha cono tandihí ñu iyó Judea nya ityi yucu.

13.15 Ta ñu ñohó xiñi vehe quívi cuan, noo ñu, soco ma quihvi ñu chichi vehe ñu tava ñu ñáá cha tava ñu.

13.16 Ta ñu ñohó nu chiqui, ma cunuhu ñu nya vehe ñu cha cunaquehen ñu sahma ñu.

13.17 iNdahvi ñusihí cha cañohó sehe quívi cuan! iNdahvi tucu cuví ñusihí cha chaxín sehe quívi cuan!

13.18 Çacan ndo chi Nyoo tacuhva cha ma tahan chi caca cono ndo quívi vichin.

13.19 Vatyí quívi tindoho cucuvi. Ta ni noo chaha ta cuví ca tyicuan caa nyata quívi chino ñuhu ñáyivi nyacua nya vityin. Ta ni ma coo ca tindoho tahán ihya nu cuahan ca chi.

13.20 Tyehe ta ma sanducuiti Sutu Mañi yo tyembu cuan, yori maa cucacu. Soco cusanducuiti ra cha cuenda cha cuñí ra chi ñu cuenda ra, ñu cha nacachí maa ra.

13.21 'Tatu yóo cha catyí chi ndo: “Nyehe ndo, ma ra Cristo ihya” o “Nyehe, ma ra nyaá yucuan”, ma chino iñi ndo.

13.22 Vatyí cuquichi ra casandaví ñaha, cucatyí ra tyi ra Cristo cuví ra. Ta yihí ra cucatyí ra vatyí profeta Nyoo cacuví ra. Ta cucasavaha ra seña, milagru, vatyí canducú ra cuhva sandavi ñaha ra nyacua nya chi ñu cha nacachí maa Nyoo tatu cuví chi ra.

13.23 Soco saha vaha ndo cuenda vatyí yuhu cha sacoté chi ndo cha ni cumañi ca cuví tyicuan caa —catyí ra Jesús.

Nu sacotó ra Jesús yoso caa cuquichi tucu ra inga chaha

(Mt. 24.29-35, 42-44; Lc. 21.25-36)

13.24 Ta catyí tucu ra Jesús tyehe caa:

—Soco quivi cha yaha tindoho, cunduñaa ñanyii. Ma cundichin ca yoo.

13.25 Tiñoo cunacoyo andivi. Ta nyacua nya tandihi cha iyó andivi ta cunacanda.

13.26 Tyicuan ta cunyehe ndo chi yuhu Rayii cha quichi nya gloria inga chaha, vachi nu vico chihin cha ndicha ñuhu Nyoo, ta chihin cha cahnu cuví ra.

13.27 Tyicuan ta cutachi chi ángel ta cusandu ñin ri chi ñu nacachi nicahnu siqui ñuhu ñayivi, nyacua nya nu ndihi ñuhu ñayivi ta nyacua nya nu ndihi andivi.

13.28 'Cutuñi ñini ndo cuhva tu higo ihya: Tatu nduyutya soco tun ta caña numa tun cha chitó ndo vatyi cha cuñi chaa quivi coo chiti, cha vachi vico savi.

13.29 Ta suri tyicuan caa tatu cha nyehe ndo tuhun ihya, coto ndo tyi cha nyaña yatyin quivi quichi tiqui. Cha nyañai yuvehe cuví cuan.

13.30 Cha ndicha catyí chi ndo vatyi tandihi ihya cucuvi cha ni ri ca cha iyó ñáyivi.

13.31 Tyicuan ta cunaa andivi ta ñuhu ñayivi cha iyó cha vityin. Soco tuhun cahín tyicuan ri cucuvi tari cuhva catyí.

13.32 'Soco yori chitó ñáá quivi ta ñáá cuhva cucuvi tandihi ihya, ni ángel Nyoo, ni yuhu Sehe Nyoo. Noo tuhun ri maa Nyoo Suti cuví ra chitó.

13.33 'Yucuan chaha conyito vaha ndo, ta saha ndo cuenda ta caçan tahvi ndo, vatyi ña chitó ndo ñáá quivi cuhaa cuhva.

13.34 Tari noo ra cha cua cuhun nu cañi. Ta cha ni cumañi ca cuhun ra, chaha cuenda ra vehe ra chi musu ra. Ta chaha ra tyiño chi noo noo ra. Ta tachi ra chi ra sahá cumi yuvehe cuan na saha ra cuenda.

13.35 Yucuan chaha nyoho conyito ndo vatyi ña chitó ndo ñáá cuhva cuquichi ra cha cuví tari chitoho vehe cuan, an cha ni cua cuaa, an ñuu, an cuhva cha chacú chaa loho, an cha ñaha ri.

13.36 Conyito ndo coto sana ñini ndo ta quichi ra, ta nañihi ra chi ndo quixí ndo.

13.37 Cha catyi chi nyoho, catyí tiqui chi tandihi ñáyivi ñandihí. Na conyito ñu.

Nu canducú ra cuhva catiin ra chi ra Jesús

(Mt. 26.1-5; Lc. 22.1-2; Jn. 11.45-53)

14.1 Uvi ca quivi cumañi ta cua tahan chi vico cha nañi pascua ta vico cha tuhva ñu chachi ñu pan cha ñahri yuchan iya yihí. Ta ra cacuví nuu chi tata sutu ta ra casacuahá cuenda ley vehe ñuhu canducú ra cuhva catiin xehe ra chi ra Jesús ta cacahñi ra chi ra.

14.2 Soco cacatyí ra chi ra tahan ra:

—Ma tiin yo chi ra cha chichi vico vityin coto naquiqui ñáyivi —cacatyí ra.

Nu choso noo ñaha sihi ndutya vixi chahán chi ra Jesús

(Mt. 26.6-13; Jn. 12.1-8)

14.3 Ñohó ra Jesús ñuu Betania vehe ra Simón, cha catyí ñu: “Simón ra cha tyahyu coño.” Ta cha ni ri ca cha nyaá ra mesa, cha noo ñaha sihi ndaha ña noo yutyi cha chingo chihin noo yuu cha nañi alabastro. Tyitu yihí chihin ndutya vixi chahán cha nañi nardo. Ta yahvi vavaha nyaá. Ta tahvi ña yutyi cuan ta choso ña ndutya vixi chahán cuan xiñi ra Jesús.

14.4 Soco suhva ra canyicú yucuan cacuxaan ra ta cacatyí ra chi tahan ra:

—¿Ñáá tuhun sativi ña ndutya vixi chahán cuan?

14.5 Tyehe ta quiyahvi cuan, cuenda mil cuñihi yo chihin chi, ta tyinyee chi chi ñu ndahvi —catyí ra.

Ta cahān ra chi ña.

14.6 Soco ra Jesús catyí ra:

—iSaña ndo chi ña! ¿Ñáá tuhun cha sayangá ndo chi ña? Cha choso ña chii tyehe caa, cha vaha cuví.

14.7 Vatyí ñu ndahvi tyicuan ri cua cunyaa ñu chihin ndo, ta cuví sacuvi maa ndo cha vaha chihin ñu ñáá ri quívi cuñí ndo. Soco yuhu ñima tyicuan ri cua cunyai chihin ndo.

14.8 Ñaha sihi ihya sacuví ña yoso cuhva cha cuví chi ña. Choso ña ndutya vixi chahán coño ñuhi, cha ni cumañi ca cucúvi ta quihvi chichi ñuhu.

14.9 Cha ndicha catyí chi ndo, vatyí tandihi ri nicahnu ñuhu ñayiví nu cahan ñu tuhun Nyoo, cunacatyí tucu ñu tuhun cha sacuví ñaha ihya, tacuhva nicohon iñi ñáyiví tuhun ña —catyí ra Jesús.

Nu nacuhva cuenda ra Judas chi ra Jesús chi ra xaan iñi chi ra

(Mt. 26.14-16; Lc. 22.3-6)

14.10 Yahā cuan ta ra Judas Iscariote, noo ra chichi cha uchi uvi tahan ra cachicá noo chihin ra Jesús, chahān ra chindatuhun ra chihin ra cacuví nuu chi tata sutu, vatyí casandaa ra noo tyiño ta nacuhva cuenda ra chi ra Jesús chichi ndaha ra.

14.11 Cuhva cha cachiñi ra ihya, cusii xaan cacuñí ra, ta catyí ra vatyí cuhva ra xuhun chi ra. Tyicuan ta quichahā nducu ra Judas cuhva nacuhva cuenda ra chi ra Jesús.

Nu cuxiñi ra Jesús chihin ra cachicá noo chihin ra

(Mt. 26.17-29; Lc. 22.7-23; Jn. 13.21-30; 1 Co. 11.23-26)

14.12 Cuví chi quívi quichaha vico cha chachí ñu pan cha ñahri yuchan iya yihí. Yucuan quívi cha vico pascua tuhvá ñu chahñi ñu mbee luhlu cha chahá ñu chi Nyoo. Ta ra cachicá noo chihin ra Jesús candaca tuhun ra chi ra, ta cacatyí ra:

—¿Nya maa maa cuñún cha sanduvaha ndi cha cuxiñun cha vico ihya?

14.13 Tyicuan ta tachí ra chi uvi tahan ra ta catyí ra chi ra:

—Cuāhan ndo chichi ñuu, ta yucuan cunañihi ndo chi noo ra cha nyisó noo quiyi ndutya. Cuāhan ndo chata ra.

14.14 Ta nu quihvi ra, catyí ndo chi ra cuví chitoho vehe yucuan tyehe caa: “Ra Sacuaha cuñí ra coto ra nya nyaá cuarto nu cusanducahnu ra vico chihin ra cachicá noo chihin ra”, catyí ndo chi ra.

14.15 Ta maa ra cusañaha ra noo cuarto cahnú nu piso sucun chi ndo. Cha yahā nduvii, ta yucuan cusanduvaha ndo cha cuxiñi yo —catyí ra Jesús chi ra.

14.16 Cuahan coyo ra. Ta chaā coyo ra chichi ñuu. Canañihí ra tari cuhva catyí ra Jesús chi ra, ta casanduvahā ra cha cuxiñi ra cha vico pascua cuan.

14.17 Ta cha cuaa cuan chaā ra Jesús chihin ndi uchi uvi ra chicá noo chihin ra.

14.18 Ta cuhva cha canyicú ra nu mesa cachachí ra, ra Jesús catyí ra:

—Cha ndicha catyí chi ndo vatyí noo nyoho cha chachí ndo chihin cunaxico tuhun ndo chii.

14.19 Tyicuan ta canducuihyā iñi ra ta quichaha candaca tuhun tahan tahan ri ra chi ra, ta cacatyí ra: —¿Atu yuhu?

14.20 Ta nacahān ra Jesús ta catyí ra:

—Noo ra chichi cha uchi uvi ndo. Ra cha satyii pan iin ri nu coho chihin, ican ra cuan cuví.

14.21 Vatyí yuhu Rayii cha quichí nya gloria cucuvi chii tari cuhva catyí nu tutu tuhun Nyoo. Soco indahvi ra ndahvi ra naxicó tuhun chii! Vaha taxin ca cha cuenda ra, tyehe ta ña cacú ra —catyí ra

Jesús.

14.22 Cha ni ri ca cha cachachí ra, ra Jesús quehen ra pan ta nacuhva ra tyahvi nyoo chi Nyoo. Ta tahvi ra ta chaha ra chi tandihi ca ra, ta catyí ra:

—Quehen ndo. Ican ihya cuví coñe —catyí ra chi ra.

14.23 Yaha cuan ta quehen ra vaso vinu. Ta cha yaha cha nacuhva ra tyahvi nyoo chi Nyoo, chaha ra chi ra. Ta tandihi ra cachihí ra cha ñohó chichi vaso cuan.

14.24 Ta catyí ra chi ra:

—Vinu cha yihí chichi vasu ihya tari ñiñi cuví. Ta chihin ñiñi tyihí tahan Nyoo tuhun chaa chihin ndo vatyí cucati cha cuenda cha vaha chi cuaha ñáyivi.

14.25 Cha ndicha catyí chi ndo vatyí ma coho que vinu nyacua nya quivi nachai nu nyacá ñaha Nyoo ta cohi vinu chaa —catyí ra Jesús chi ra.

Nu catyí ra Jesús tyi cucatyí ra Pedro tyi ña ñohó nuu ra chi ra

(Mt. 26.30-35; Lc. 22.31-34; Jn. 13.36-38)

14.26 Cha yaha cha cachita ra yaa, ta caquita ra cuahan coyo ra nya yucu yutun Olivo.

14.27 Tyicuan ta catyí ra chi tandihi ra:

—Tandihí nyoho cusandoo notuhun maa ndo chii vityin cha cuaa. Vatyí catyí chi nu tutu tuhun Nyoo tyehé caa: “Cucahñi chi ra sahá cumi mbee, ta mbee cacacono ti ityi cuan ityi ihya”, catyí chi.

14.28 Soco cha yaha cha nandote, xihna que cuhun ityi Galilea ican saha nyoho —catyí ra Jesús chi ra.

14.29 Tyicuan ta quichaha catyí ra Pedro chi ra:

—Vasi tandihí ra sandoo ra chuun, soco yuhu ma sandoi chuun —catyí ra chi ra Jesús.

14.30 Soco ra Jesús catyí ra chi ra:

—Cha ndicha catyí chuun, vatyí suri maa cha cuaa ihya, cha ni cumañi ca cuacu loho uvi chaha, yoho cucatyun tyi ña ñohó nuun chii uñi chaha —catyí ra Jesús chi ra Pedro.

14.31 Soco saniñi ra Pedro ta catyí ra:

—Vasi cúvi chuhun, soco ma tixehi cha ñohó nui chuun —catyí ra Pedro.

Ta tandihí ra cacatyí ra tyicuan caa.

Nu chican tahvi ra Jesús nu cuví Getsemaní

(Mt. 26.36-46; Lc. 22.39-46)

14.32 Tyicuan ta cacha coyo ra noo nu nañi Getsemaní. Ta ra Jesús catyí ra chi ra cachicá noo chihin ra:

—Cunyicu ndo ihya ni ri cuhin cucacan tahvi —catyí ra Jesús.

14.33 Ta quehen ra chi ra Pedro, ta ra Jacobo ta ra Juan cuahan chihin ra. Ta quichaha chica xaan iñi ra ta cutyoño cuñi ra.

14.34 Ta catyí ra chi ra:

—Tuví iñi añime noo tucuihya iñi, ta cuñi cahñi chi chii. Ndo nyoho ihya, ta conyito ndo —catyí ra.

14.35 Tyicuan ta cuahan ra chiin ca ityi nuu ca. Ta chicuiñi chiti ra nu ñuhú. Ta chican ra chi Nyoo tatu cuvi cha ma nyehe ra tindoho cha cua cuvi chi ra cuhva cuan, catyí ra chican tahvi ra.

14.36 Ta nu chicán tahvi ra, ta catyí ra:

—Sutu Mañi yuhu, cha cuenda yoho ñahri cha ma cuvi chuun. Tu yoho ta cuñún na canyaha tindoho ihya chii. Soco ma cuvi tari cuhva cha cuñí mai, soco cuhva cha cuñí maun na cuvi —catyí ra Jesús chicán tahvi ra.

14.37 Yaha cuan ta nachaꝥ ra nu nyicú ra. Ta nyehe ra tyi caquixí ra. Ta catyí ra chi ra Pedro:

—Yoho Simón, ¿atu quixún? ¿Atu ña cuvi conyiton ni noo hora?

14.38 Conyito ndo ta çacan tahvi ndo tacuhva cha ma sanacava ra ña vaha chi ndo nu cuatyí. Cha ndicha, cuñí añima ndo sacuvi ndo cha vaha, soco coño ñuhu ndo vita xaan cuñí chi —catyí ra Jesús chi ra.

14.39 Tyicuan ta cuahan ra inga chaha. Ta chican tahvi ra suri maa cha chican ra cha xihna ri.

14.40 Tyicuan ta nachaꝥ tucu ra inga chaha, nyehe ra tyi caquixí ra. Vatyí nicunyasi maa chiti nuu ra chihin cha cacuñí xaan ra cusu ra. Ta ña cachitó ra ñáá cha nacahan ra chihin ra Jesús.

14.41 Ta chahan ra cha cu uñi chaha, ta nachaꝥ ra, ta catyí ra:

—Vityin ndicha çusu ndo, nyítatu ndo. Cha iyó vaha ri vityin, cha chaꝥ cuhva cha cucuhva cuenda ra chi yuhu Rayii cha quichi nya gloria ndaha ra ca iyó cuatyí.

14.42 Ndícuita ndo, çoho ndo. Cha vachi ra naxicó tuhun chii —catyí ra Jesús chi ra.

Nu catiín ra chi ra Jesús

(Mt. 26.47-56; Lc. 22.47-53; Jn. 18.2-11)

14.43 Ni cahán ca ra Jesús ta chaꝥ ri ra Judas, noo ra chichi cha uchi uvi tahan ra chicá noo chihin ra. Ta cuaha sindaro ta policia vachi coyo chihin ra canyisó ra mityi ta yutun. Vachi coyo ra cuenda ra cacuví nuu chi tata sutu, ta ra casacuaha cuenda ley vehe ñuhu, ta cuenda ra mandoñi.

14.44 Cha ni cumañi ca cachaa coyo ra, ra Judas, ra cha naxicó tuhun chi ra, chahꝥ ra noo seña chi ra ta catyí ra:

—Ra cha tyayuhi, ican ra cuan cuví. Tjin vaha ndo chi ra na cuhun ra chihin ndo.

14.45 Ta cuhva cha chaꝥ ra tuhva ra nu nyaá ra Jesús ta catyí ra chi ra:

—Maestro.

Ta tyayuhꝥ ra xitín ra.

14.46 Tyicuan ta catiín ra chi ra Jesús ta cuahan ra vehe caa.

14.47 Soco noo ra cha nyaá yucuan tava ra mityi ra ta chahnya ra soho musu ra cuví nuu chi tata sutu.

14.48 Tyicuan ta ra Jesús catyí ra chi ra cachaa coyo cuan:

—¿Atu vachi tjin ndo chii chihin mityi ta chihin yutun, tari cha vatyí cuví yuhu noo ra suhu?

14.49 Ndí quivi chinyaj chihin ndo sañahj chichi vehe ñuhu cahnu cuan. Ta ni noo chaha ña tjin ndo chii. Soco cuví chi tyehe caa vityin, tacuhva chino cava tari cuhva catyí nu tutu tuhun Nyoo —catyí ra Jesús chi ra.

14.50 Tyicuan ta tandihi ra cachicá noo chihin ra, cachinq ra ta casandoꝥ noo tuhun maa ra chi ra Jesús.

14.51 Soco noo ri ca ra tyivaa nyicón ra chi ra, ndichí ra noo sinduhu ta catiín tucu ra chi ra.

14.52 Soco sandoꝥ ra sinduhu cuan ta cuahan vavaha ra vityiaa vityi cañi ra.

Nu cutuñj chi ra Jesús nuu ra cuví tyiño

(Mt. 26.57-68; Lc. 22.54-55, 63-71; Jn. 18.12-14, 19-24)

14.53 Tyicuan ta cachinyacā ra chi ra Jesús nuu ra cuví nuu chi tata sutu, ta candu ñin ri tandihi ra chihin ra cacuví mandoñi, ta ra casacuahá cuenda ley vehe ñuhu.

14.54 Ta ra Pedro cuahan ra chata ra nya sava ri, nyacua nya nuquehe vehe ra cuví nuu chi tata sutu cuan. Ta ndoo ra nyaá ra chihin policía sanasaá ra chi ra yatyin yunuhu.

14.55 Ra cacuví nuu chi tata sutu, ta tandihi ra cuví tyiño canducu ra ñáá noo cuatyí tyaa ra siqui ra Jesús, tacuhva cuvi cacahñi ra chi ra soco ña cañihí maa ra.

14.56 Vasi cuaha ñáyivi cahān ñu cuendu siqui ra, soco ña nacachí tahan tuhun cahán ñu.

14.57 Yihí ñu candicuitā ñu ta catyaa ri maa ñu cuendu siqui ra, ta cacatyí ñu:

14.58 —Nyuhu chiñi ndi cha cahān ra vatyí cusatani ra vehe ñuhu cahnu cha savahā ñáyivi. Ta chichi cha uñi quivi cunacananyaa ra inga vehe ñuhu cha ñima ñáyivi savaha, na —catyí ñu.

14.59 Soco ni tyicuan caa ña nacachí tahan cha catyí ñu.

14.60 Tyicuan ta ra cuví nuu chi tata sutu ndicuitā ra mahñu nu nyicú tandihi ra yucuan, ta quichahā ndaca tuhun ra chi ra Jesús, ta catyí ra:

—¿Atu ña nacahan maun? ¿Ñáá cha cuví ihya cha cacahán ra sicun? —catyí ra chi ra.

14.61 Soco ra Jesús taxi ri nanyaá ra, ta ña nacahān maa ra. Ta ra cuví nuu chi tata sutu cuan ndaca tuhun ra chi ra inga chaha, ta catyí ra:

—¿Atu yoho cuvín Cristo, Sehe Nyoo ra cha iyó cha vaha chi?

14.62 Ra Jesús catyí ra chi ra:

—Ican, yuhu cuví. Ta nyoho cunyehe ndo chi yuhu Rayi cha quichi nya gloria, cucunyai chiyo vaha Nyoo ra cha iyó tandihi tunyee iñi chi. Ta cunyehe ndo chii quivi quichi nu vico andivi —catyí ra chi ra.

14.63 Tyicuan ta ra cuví nuu chi tata sutu cuan, chahnyā ra sahma ra tari noo seña vatyí ña tahán iñi ra, ta catyí ra:

—¿Ñáá ca cha ndaa cuñi yo?

14.64 Nyoho cha chiñi ndo vatyí chicoo cuatyí ra nuu Nyoo chihin tuhun cahán ra. ¿Yoso caa cuñi nyoho? —catyí ra.

Ta tandihi ra cacatyí ra vatyí tahán chi cúvi ra.

14.65 Tyicuan ta suhva ra quichahā tyicu sii ra chi ra. Ta chasi ra nuu ra, ta cañi ra chi ra chihin chiqui ra ta cacatyí ra chi ra:

—iNacoto yóo cha cañi chuun! —cacatyí ra chi ra.

Ta policía cacatu ra nuu ra.

Nu catyí ra Pedro vatyí ña ñohó nuu ra chi ra Jesús

(Mt. 26.69-75; Lc. 22.56-62; Jn. 18.15-18, 25-27)

14.66 Ra Pedro nyaá ra ityi yuvi nuquehe. Tyicuan ta chaā noo ñaha sahá tyiño chihin ra cuví nuu chi tata sutu cuan.

14.67 Ta cuhva cha nanyehē ña chi ra Pedro vatyí sanasaá ra chi ra yunuhu cuan, ndoo ña nyehé vavaha ña chi ra, ta catyí ña chi ra:

—Yoho ñandihí, chica noun chihin ra Jesús ra ñuu Nazaret cuan —catyí ña chi ra.

14.68 Soco ra Pedro tixehe ra, ta catyí ra:

—Ña ñohó nui chi ra, ña chité ñáá tuhun cahún —catyí ra chi ña.

Tyicuan ta quitá ra ityi yuvehe. Tyicuan ta chacu noo loho.

14.69 Tyicuan ta ñaha cha nyaá tyiño yoo cuan, nanyehé tucu ña chi ra inga chaha ta quichaha catyí ña chi ra canyicú yucuan:

—Noo ra tahan ra cuan cuví ra ihya —catyí ña.

14.70 Soco tixehe ra inga chaha. Ta yaha suhva ri ca cuhva ta ra canyicú yucuan cacatyí tucu ra inga chaha chi ra Pedro:

—Cha ndicha vatyí noo ra yucuan cuví yoho, vatyí ra Galilea cuvún, vatyí tari cahán ñu, cahún —catyí ra chi ra.

14.71 Tyicuan ta iyo xaan tyanaha ra Pedro, ta catyí ra:

—iChitó vaha Nyoo tyi ña ñohó nui chi ra cha cahán nyoho tuhun! iNa cahñi Nyoo chii tatu ña ndicha cha cahín! —catyí ra.

14.72 Ta caa cuhva ri cuan chacu ri loho cha cu uvi chaha. Tyicuan ta nicohon iñi ra Pedro tuhun cha cahán ra Jesús chihin ra: “Cha ni cumañi ca cuacu loho uvi chaha, yoho cucatyun vatyí ña ñohó nuun chi yuhu uñi tahan chaha.” Nicohon iñi ra Pedro ta quichaha chacu chaa ra.

Nu nanyaa ra Jesús nuu ra Pilato

(Mt. 27.1-2, 11-14; Lc. 23.1-5; Jn. 18.28-38)

15.1 Cuhva cha cundichin candu iñ ri ra cacuví nuu chi tata sutu chihin ra cacuví mandoñi ta chihin ra casacuahá cuenda ley vehe ñuhu ta tandihí ra cuví tyiño ñu Israel. Ta ra Jesús nuhñi ra, chinacuhva cuenda ra chi ra chi ra Pilato.

15.2 Ta ndaca tuhun ra Pilato chi ra, ta catyí ra:

—¿Atu rey cuenda ñu Israel cuví yoho?

Ta nacahan ra Jesús ta catyí ra:

—Ican, yuhu cuví. Ndicha cha cahún.

15.3 Ta ra cacuví nuu chi tata sutu cuaha xaan cha catyaa ra siqui ra.

15.4 Tyicuan ta quichaha ndaca tuhun tucu ra Pilato inga chaha chi ra, ta catyí ra:

—¿Atu ña nacahan maun? Nyehé yoso cha cuaha cha tyaá ra sicun.

15.5 Soco ra Jesús ña nacahan maa ra. Yucuan chaha ña chitó ra Pilato ñáá cha caca xiñi ra.

Nu cutuñi chi ra Jesús vatyí cucuvi ra

(Mt. 27.15-31; Lc. 23.13-25; Jn. 18.38—19.16)

15.6 Ta vico cuan tuhvá ra Pilato saña ra chi noo ra ñohó vehe caa, noo ra cha cacan maa ñáyivi.

15.7 Ta ñohó noo ra nañi Barrabás vehe caa cuan, iñ ri chihin inga ra cha cachahñi chi ñáyivi noo nu naquiqui ñáyivi siqui gobiernu.

15.8 Ta quichi coyo ñáyivi quichaha chican ñu chi ra Pilato na saña ra chi noo ra tari tuhvá maa ra.

15.9 Ta nacahan ra Pilato, ta catyí ra:

—¿Atu cuñi nyoho cha sañe chi Rey cuenda ñu Israel?

15.10 Tyicuan caa catyí ra vatyí tuví iñi ra vatyí ra cacuví nuu chi tata sutu cuan tasi cuñi ra chi ra

Jesús tyi cuaha ñáyivi nyicón chi ra, yucuan chaha nacuhva cuenda ra chi ra.

15.11 Soco ra cacuví nuu chi tata sutu cuan catiyuhü ra chi ñáyivi na catyi ñu na saña ra chi ra Barrabás.

15.12 Tyicuan ta ndacá tuhun ra Pilato chi ñu, ta catyí ra:

—¿Ta ñáá cha cuñí ndo sacuvi chihin ra cha catyí nyoho Rey cuenda ñu Israel chi? —catyí ra chi ñu.

15.13 Tyicuan ta nacanachaá ñu, ta catyí ñu:

—iNa cúvi ra nu cruzi! —catyí ñu, canachaá ñu.

15.14 Ta catyí ra Pilato chi ñu:

—Soco ñáá cha ña vaha sacuvi ra? —catyí ra.

Soco canachaá ca ñu ta catyí ñu:

—iNa cúvi ra nu cruzi! —catyí ñu.

15.15 Tyicuan ta vatyi cuñí ra Pilato cuvaha ra nuu ñu, saña ra chi ra Barrabás. Tyicuan ta tyihí ra tyiño na ndoho ra Jesús, ta cha yaha cuan chaha cuenda ra chi ra vatyi cúvi ra nu cruzi.

15.16 Tyicuan ta chinyacá sindaro chi ra nuquehe vehe tyiño cuan. Ta casandu iin ri ra tandihí sindaro.

15.17 Ta casacuihno ra noo sahma tyacu nyaa chi ra. Ta caquicu ra noo corona chihin iñu. Ta catyihí ra xiñi ra.

15.18 Yahá cuan ta quichaha cacana cháa ra siqui ra chacú nyaa ra chi ra, ta catyí ra:

—iNocumi chuun, yoho Rey cuenda ñu Israel! —catyí ra.

15.19 Ta cacañi ra xiñi ra chihin noo yutun, ta tyicú sii ra chi ra. Ta cachicuiñi chiti ra casaha ra tyi sacahnu ra chi ra.

15.20 Cha yahá cha chacú nyaa ra chi ra tyicuan caa, tinyaa ra sahma nyaa cuan chi ra, ta sandihvi noo ra sahma maa ra chi ra. Yahá cuan ta cuahan ra chihin ra vatyi cuatyaa ra chi ra nu cruzi.

Nu cuacúvi ra Jesús nu cruzi

(Mt. 27.32-44; Lc. 23.26-43; Jn. 19.17-27)

15.21 Yahá noo ra ñuu Cirene, nañí ra Simón. Sutu ra Alejandro ta ra Rufo cuví chi ra. Ni cua nachaa ra cha chahan ra nu chiquí. Ta cuhva cha cua yaha ra ityi cuan, casaniñi sindaro chi ra na cuiso ra cruzi ra Jesús.

15.22 Ta cachinyacá ra chi ra Jesús noo nu nañí Gólgota. Ta cuñí chi catyi: Nu Cuví Yiquí Xiñi Ndiyí.

15.23 Ta cachahá ra vinu nasacá chihin noo tatan cha nañí mirra coho ra. Soco ra Jesús ña chihí ra.

15.24 Cha yahá catyaa sindaro chi ra nu cruzi, cachahan ra sihva chihin sahma ra ta nya ra saha ganaa caquehen ra sahma ra.

15.25 Caa iin cha ñaha ri catyaa ra chi ra nu cruzi.

15.26 Ta letra cha catyaa ra xiñi cruzi cuan, catyí chi ñáá cuatyí ra. Ta catyí chi tyehe caa: “Ican ra ihya cuví Rey cuenda ñu ñuu Israel.”

15.27 Ta chinanyaá ra uvi ca cruzi nu chitacaá ra uvi tahan ra suhu, noo ra chiyo vaha ra, ta inga ra chiyo satyin ra.

15.28 Ta tyicuan caa quitá chi tari cuhva catyí nu tutu tuhun Nyoo tyehe caa: “Sahá ñu tuhun tyi cuví ra noo ra quiñi iyó.”

15.29 Ta ñu yahá coyo chacú nyaa ñu chi ra. Ta quisí xiñi ñu, ta catyí ñu chi ra:

—iJaani! iYoho cha caty_{un} tyi cusatanun vehe ñuhu cahnu, ta chichi cha uñi quivi cunacoñehun inga chaha!

15.30 iSacacu maun chuun ta noo nu cruzi chiña! —catyí ñu.

15.31 Ta tyicuan caa tucu ra cacuví nuu chi tata sutu ta ra casacuahá cuenda ley vehe ñuhu, cachacú nyaa ra chi ra, ta catyí ra chi tahan ra:

—iChi inga ñu sacac_u ra, soco ña cuví sacacu ra chi maa ra!

15.32 Na noo ra nu cruzi vityin, na nyehe yo ta chino iñi yo tyi Cristo Rey cuenda ñu Israel cuví ra —catyí ra.

Ta nyacua nya ra tacaá inga cruzi inchiyo inchiyo xiin ra ta cacahán ra chi ra.

Nu chihj ra Jesús

(Mt. 27.45-56; Lc. 23.44-49; Jn. 19.28-30)

15.33 Cuhva cha cua cu hora, tandihi ñuhu ñayivi nduñaa, nyacua nya caa uñi cha cha iñi.

15.34 Ta suri kuhva cuan canacha_a ra Jesús chihin tandihi fuerza ra, ta catyí ra:

—Eloi, Eloi, ¿lama sabactani? —ta cuñí chi catyí: Nyoo Suti, Nyoo Suti, ¿ñáá tuhun sandoo noo tuhun maun chii? —catyí ra.

15.35 Suhva ra tayucu yucuan cachiñí ra ta catyí ra:

—iXihna! Caná chaa ra chi ra profeta Elías —catyí ra.

15.36 Tyicuan ta chinq noo ra yucuan chiquehen ra noo tari caa xixan ta satyij ra chihin vinu iya. Ta tyaa ra noo nu yutun ta satuhva ra yuhu ra na coho ra, ta catyí ra:

—Cuatu ndo. Na nyehe yo tatu quichi ra Elías sanoo ra chi ra —catyí ra cuan.

15.37 Tyicuan ta ñihi xaan canacha_a ra Jesús, ta chihj ra.

15.38 Ta sahma cha tacaá chichi vehe ñuhu cahnu ndata sava maa chi, nya siqui ta nyacua nya ityi yuvi.

15.39 Ta noo capitán cuenda sindaro Roma nanyaá ra yatyin nuu ra Jesús cuan. Cha nyehe ra yoso caa cana chaa ra, ta yoso caa chihj ra, ta catyí ra:

—Cha ndicha ndicha cuii vatyí Sehe Nyoo cuví chi ra ihya —catyí ra.

15.40 Ta nya sava ri tayucú tucu suhva ñusihí canyehé ñu. Ta mahñu ñu cuan nanyaá cu María ñaha Magdala, ta cu María sihi ra José ta ra Jacobo ra tyivaa ca. Ta nanyaá tucu cu Salomé.

15.41 Ican ñusihí ihya cachinyicon chi ra Jesús, ta tyinyeé ñu chi ra quivi chica noo ra ityi Galilea. Ta siin ri nyicú cuaha ca ñu cha cha_a coyo chihin ra Jerusalén cuan.

Nu chicuchj ñu chi ra Jesús

(Mt. 27.57-61; Lc. 23.50-56; Jn. 19.38-42)

15.42 Cuví chi quivi cha sanduvaha ñu cha cachi ñu vatyí inga quivi tuhvá ñu nyitatu.

15.43 Ta cha cuaa cuan cha_a ra José ra ñuu Arimatea. Noo ra cuví tyiño. Nyatú tucu maa ra nu cunyaca ñaha Nyoo. Ta ndachan cuñí ra ta quihvi ra nu nyaá ra Pilato, ta chican ra coño ñuhu ra Jesús chi ra.

15.44 Iyo cuñí ra Pilato cha nacoto ra vatyí cha chihj ra Jesús. Ta cana ra chi capitán vatyí ndaca tuhun ra tatu cha yah_a chihj ra.

15.45 Ta cha catyí capitán vatyí cha yah_a chihj ra, ra Pilato chaha ra coño ñuhu ra chi ra José.

15.46 Tyicuan ta sat_a ra José noo sinduhu cha chinq chihin sahma finu cha nañi lino, ta sanoo ra coño

ñuhu ra. Ta siquj noo ra chihin sinduhu cuan. Yaha cuan ta chityihj ra chi ra noo chichi ñaña cha cachatya ra chichi noo yuu. Ta chasj ra yuhu ñaña cuan chihin noo yuu cahnu.

15.47 Ta cu María ñaha Magdala cuan ta cu María sihi ra José, chaq coyo ñu nyehe ñu nu tyihj ra chi ra.

Nu nandotoj ra Jesús

(Mt. 28.1-10; Lc. 24.1-12; Jn. 20.1-10)

16.1 Yaha quivi nyitatu ñu. Tyicuan ta cu María ñaha Magdala ta cu María sihi ra Jacobo, ta cu Salomé satj ñu ndutya vixi chahan ta cuahan coyo ñu cua tyihj ñu coño ñuhu ra Jesús.

16.2 Ta timingu cuví, quivi quichaha vitya, ñaha cuii ri cuhva cha vachi cundichin cuhva cha ni cua caña ñanyii, chaq coyo ñu nu ñaña.

16.3 Ta catyj ñu chi tahan ñu:

—¿Yóo cha cusacanyaha yuu yuhu ñaña cuan? —catyj ñu chi tahan ñu.

16.4 Soco cuhva cha nanyehj ñu, yuu cahnu cha nyasj yuhu ñaña cuan cha cuachiyó chi nya sava.

16.5 Quihvj coyo ñu chichi ñaña yucuan. Ta nanyehj ñu chi noo ángel tari caa noo ra tyivaa, nyaá ra chiyo vaha. Ta ñihno ra sahma cañi ta cuichin. Ta canayuhvj ñu.

16.6 Soco catyj ra chi ñu:

—Ma yuhvj ndo. Nyoho nanducú ndo chi ra Jesús ra ñuu Nazaret, ra cha chihj nu cruzi. Soco cha nandotoj ra. Ña ñohó ca ra ihya. Nyehe ndo nu chacun ra chi ra.

16.7 Cuahan ndo cua sacoto ndo chi ra Pedro ta chi inga ra cachicq noo chihin ra. Catyj ndo chi ra vatyi na cuhun coyo ra ityi Galilea vatyi yucuan nyatú ra Jesús chi ra, tari cuhva catyj ra chi ra. Vatyi ra Jesús cha cuahan ra ityi nuu —tyicuan caa catyj ángel cuan chi ñu.

16.8 Tyicuan ta cuahan coyo vavaha ñu, vatyi suri canihj ñu cha cuenda cha yuhvj ñu. Ta yori maa chihin cahán ñu tuhun cha cuenda cha yuhvj ñu.

Nu tuvj ra Jesús nuu cu María ñaha Magdala

(Jn. 20.11-18)

16.9 Cuví chi timingu quivi quichaha vitya cha nandotoj ra Jesús. Yaha cuan ta xihna ca nuu cu María ñaha Magdala tuvj ra. Maa ña cuví ñaha cha tavq ñehe ra ucha tahan tatyi ña vaha.

16.10 Ta chahan ña chisacoto ña chi ra cachicq noo chihin ra, vatyi canycú cuihya ra ta cachacú chaa ra.

16.11 Soco cuhva cha cachiñj ra vatyi iyó ra Jesús ta vatyi nyehe ña chi ra, ña cachino iñi ra.

Nu tuvj ra Jesús nuu uvi tahan ra chicq noo chihin ra

(Lc. 24.13-35)

16.12 Cha yaha cuan, ra Jesús tuvj ra nuu uvi tahan ra cha cuahan coyo chica ityi ityi nu chiqui. Soco siin caa cuhva caá ra cananyehe ra chi ra.

16.13 Ta cuanuhu coyo ra ta sacotoj ra chi tandihj ca ra. Soco suri ña cachino iñi ra cha cacahan ra cuan.

Tuhun cha chahq ra Jesús chi ra cha tyatyñoj ra chi

(Mt. 28.16-20; Lc. 24.36-49; Jn. 20.19-23)

16.14 Ta cuee ca ta tuvj ra Jesús nuu ndi uchi iin ra cha cachicq noo chihin ra, cha ni ri ca cha canycú ra nu mesa. Ta cahán ra chi ra cha cuenda cha ña cachino iñi ra, ta cha cuenda cha candava añima ra

vatyi ña cachinq̄ iñi ra tuhun cah̄an ñu nyehe tyi nandotō ra.

16.15 Ta catyí ra chi ra:

—Cūahan ndo nicacahnu ñuhu ñayivi, ta cah̄an ndo chihin tandihi ñáyivi, ta catyi ndo chi ñu yoso caa sacacú Nyoo aña ñu.

16.16 Ta ñu cha chinó iñi ta condutya ñu, cucacu aña ñu. Soco ñu cha ña chinó iñi cundoo cuatyí ñu siqui ñu ta cunaa ñu.

16.17 Ta tandihi seña ihya cusacuvi ñu cha chinó iñi chii: Chihin sivi cutava ñehe ñu tatyi ña vaha. Cucahan ñu inga sahan cha ña chitó ñu.

16.18 Cutiin ñu coo, ta tatu coho ñu cha yihí venenu, ma saha cuehe chí ñu. Ta siin ri cutyiso ñu ndaha ñu siqui ñu cuhví, ta cunduvaha ñu.

Nu nandaq̄ xica ra Jesús andivi

(Lc. 24.50-53)

16.19 Nu ndihi cah̄an Sutu Mañi yo Jesús chihin ra, ta nandaq̄ xica ra andivi, ta chicunyaq̄ ra chiyo vaha Nyoo.

16.20 Tyicuan ta ra cachicq̄ noo chihin ra quitq̄ ra ta chah̄an coyo ra chicah̄an ra tuhun Nyoo yoso caa sacacú ra aña yo tandihi ri ityi. Suri maa Sutu Mañi yo tyinyeē chi ra vatyi chah̄a ra cha sacuvi ra cuaha milagru. Ta tyicuan caa nyehé ñáyivi tyi ndicha tuhun cacahán ra. © La Liga Bíblica, A.C. 1983